



80 1 2 3 4 5 6 7 8 9 100 1 2 3 4 5 6 7 8 9

C 40-4514

丁翁之座謂大歲及百
家書置之武州紫雲山
我徵笑塔院原府中未
為學者不敢許出院內
當山二世鐵牛機謹誌

64853

題醒世錄

予備閱玄憚法師所撰法苑珠林。而深有慨于陰陽之理。不得分言之矣。休咎之徵。不得幻視之矣。古往今來。萬物皆從劫轉。禍淫福善。一切惟心所造成。劫壞劫。與時終始。水火風劫。隨勢遷流。至于刀兵。饑饉。疫病。劫劫。

80

06

合

以自適。信哉。有念盡爲煩惱鎖。無心
端是水晶宮。是爲序。

廿四

壬辰冬季望日徐昌治觀周父題於

大業堂中



醒世卷一目錄

備陳苦済使
人知懼而避

劫量篇

大三災部

成劫量

時節

卷之三

小三災部

疫病

刀兵

饑饉

三界篇

四洲部

會名

地量

界量

80

1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

諸天部

六道篇

阿修羅部

辦位
界量
會名
廣狹
業因

鬼神部

住處
苦樂
感應緣
壽命
業因
戰鬪

畜生部

感應緣
壽命

受報
業因

地獄部

受報
業因
感應緣
壽命

醒世卷二目錄

千佛篇

出時
道樹

歷叙佛果使
人知欣而趋
種族
會數

因緣部

業因

種姓部

種姓

降胎部

現衰
感瑞

觀胎
同應

出胎部

迎后
招福

誕孕
感孕

侍養部

校量
召師

養母
敬母

占相部

校量
摘力

遊學部

召師
文稿

納妃部

灌帶
疑謗

求婚

貳苦部

觀田
出遊

出家部

離俗
使還

鬚髮

成道部

乞食
草座

諫子

具服
佛髮

說法部

赴機

苦行

乳糜
成道

涅槃部

弟子

降魔

結集部

大乘結集

千人結集

五百結集

七百結集

感應緣

二驗

醒世卷三目錄

敬佛篇

念佛 觀佛

感應緣
縷指敬信使人

知方便法門

彌陀部

業因

感應緣
毫

彌勒部

受戒

感應緣
毫

普賢部

感應緣

緣毫

觀音部

感應緣

緣毫

敬法篇

聖法

求法 法師

謗罪部

感應緣

毫

80

1 2 3 4 5 6 7 8 9 100

1 2 3 4 5 6 7 8 9

100 1 2 3 4 5 6 7 8 9

100 1 2 3 4 5 6 7 8 9

南華卷二解金
卷二解金

敬僧篇

引證

敬益部

感應緣三義

致敬篇

感應緣三義

功能部

感應緣三義

歸信篇

感應緣三義

小乘

大乘 感應緣三義

士女篇

觀導

入道篇

引證

慚愧篇

引證

說聽篇

引證

醒世卷四目錄

拈示神通使人

獎導篇

迷意

引證

見解篇

感應緣三義

述意

利益部

感應緣三義

引證

宿命篇

感應緣三義

宿習部

感應緣三義

至誠篇

求實部

求忍部

感應緣三義

80

1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

神異篇

劖通部

降邪部

胎孕部

雜異部

感應緣義

感通篇

述意

聖迹部

住持篇

說聽部

醒世卷五目錄

闡發敬信使人知
虔奉在內不在外

潛遁篇

感應緣義

妖恠篇

引證

變化篇

厭欲部

感應緣義

眠夢篇

不善部

感應緣義

三性部

生信部

感應緣義

興福篇

校量部

興福部

80 1 2 3 4 5 6 7 8 9 90 1 2 3 4 5 6 7 8 9 100

西十卷三目錄

雜福部

感應緣累

洗僧部

引證

攝念篇

感應緣累

法服篇

感應緣累

然燈篇

引證

懸旛篇

感應緣累

香華篇

感應緣累

唄讚篇

述意
引證

音樂部

感應緣累

醒世卷六目錄

遷流世諦伊人知
徵罪由已不由人

敬塔篇

引證
故塔
感應緣累

禮佛部

感應緣累

舍利篇

引證
施食
感應緣累

受請篇

引證
王都
食時

輪王篇

育王
施福

君臣篇

王過
王都

納諫篇

80 1 2 3 4 5 6 7 8 9 90 1

2 3 4 5 6 7 8 9 100 1

卷之三十一

審察篇

感應緣

思慎篇

慎過 感應緣

儉約篇

引證 感應緣

懲過篇

和國

和順篇

引證 感應緣

誠勗篇

誠馬 感應緣

忠孝篇

引證 不孝 善子 業因

報恩篇

引證 感應緣

善友篇

引證 感應緣 撐交 引證

感應緣

感應緣

醒世卷七目錄

閻至佛難人可不受歎咎歷歷莫逃

眷屬篇

哀戀部 緣著部 感應緣

機辯篇

感應緣 裳造樓

惰慢篇

賣餅 慢婦

破邪篇

捨邪端正

富貴篇

感應緣 須達部

債負篇

宿障部

孫陀利謗 伽緣
佛被舞杆謗緣

佛被木擔刺腳緣

謀謗篇

呪術篇

感應緣 罷祭詞 獻佛 感應緣 罷

慈悲篇

占相部 感應緣 罷 菩薩部 觀苦 感應緣 罷 放生部 感應緣 罷 傷悼部 感應緣 罷

怨苦篇

八苦部 引言 因果感應緣

業因篇

現報 欲障 感應緣 住處 訴欲 福行 感應緣

受報篇

感應緣 罷

四生篇

迷惑 感應緣 會名 感應緣

十使篇

過自悔却孽應時立滌 感應緣 罷 遺物 感應緣 罷

慳貪部

細觀禪戒人可不思自 勸忍 感應緣 罷 財施 感應緣 罷 勸持戒 感應緣 罷

十惡篇

過自悔却孽應時立滌 感應緣 罷 遺物 感應緣 罷

殺生

殺生 感應緣 罷 感應緣 罷 惡口部 感應緣 罷

邪淫

兩舌 感應緣 罷 感應緣 罷 感應緣 罷

六度篇

布施 感應緣 罷 法施 感應緣 罷 策修 感應緣 罷

六度篇

精進 感應緣 罷 励持 感應緣 罷

禪定部

智慧 感應緣 罷 感應緣 罷 頭陀 感應緣 罷

懺悔篇

沈懺 感應緣 罷 會意 感應緣 罷 儀式 感應緣 罷

受戒篇

神衞 感應緣 罷 會意 感應緣 罷 八戒 感應緣 罷

三聚部

戒相 感應緣 罷 優劣 感應緣 罷

破戒篇

引證 感應緣 罷

受齋篇

破齋 感應緣 罷

賞罰篇

引證 感應緣 罷

80 1 2 3 4 5 6 7 8 9 100 1

利害篇 引證 感應緣一堅

穢濁篇

五辛 感應緣一便利 感應緣羸

病苦篇

消肉

感應緣羸

歛念部

感應緣三柔

捨身篇

感應緣羸

送終篇

五渴

受生 感應緣羸

法威篇

四依

雜要篇

附音釋

翻譯部

附音釋

醒世錄卷一

無常歌。警戒因。善後失。悔後患。武原居士徐昌治觀周編輯

劫量篇

十六千歲。千古金粟住持行元百癡。校閱

大三災部 時量

新婆沙論云。劫有三種。一中間劫。二成壞劫。三大劫。

中間劫復有三種。一減劫。二增劫。三增減劫。減者從人壽無量歲。減至十歲。增者從人壽十歲。增至八萬歲。增減者從增至減。此中一減一增。十八增減。合二十中劫。

世間成二十中劫成已。住此合名成劫。經二十中劫。世間壞二十中劫壞已。空此合名壞劫。總八十中劫。合名大劫。

時節

依裝法師西國傳云。時極短者。謂之剎那。毳毛從指開出。隨所出量。是恒剎那百二十剎那。成一恒剎那六十恒剎那。成一臘縛。七千二百剎那三十臘縛。成一牟呼粟多。二百一十六千剎那三十牟呼粟多。成一晝夜。晝一夜。生滅無常。如世尊說。譬如四害射夫。各執弓箭。

相背攢立。欲射四方。有一捷夫來語之曰。汝等今可一時放箭。我能遍接。俱令不墮。於意云何。此捷疾不。苾芻白佛甚疾。世尊言。彼人不及地行藥叉。地行捷疾。不及空行藥叉。空行捷疾。不及四大王衆天。彼天捷疾。不及日月二輪。二輪捷疾。不及堅行天子。此等諸天。展轉捷疾。壽行生滅。剎那流轉。無有暫停。又依安般經云。於一彈指頃。心有九百六十轉。一念有九十剎那。一一剎那中。復有九百生滅。又菩薩處胎經云。一彈指頃。有三十二億百千念。念念成形。形形皆有識。佛之威神。入微識。

中皆令得度。又毗曇論。合有十二重。一名剎那。二名怛剎那。三名羅婆。四名摩曇羅。五名日夜。六名半月。七名一月。八名時。九名行。十名年。十一名雙。十二名劫。一剎那者。翻爲一念。百二十剎那爲一怛剎。翻爲一瞬。六十怛剎那爲一息。一息爲一羅婆。三十羅婆爲一摩曇羅。翻爲一須臾。三十摩曇羅爲一日夜。一日夜計有六百三十八萬剎那。僧祇律云。二十念爲一瞬。二十瞬各一彈指。二十彈指各一羅預。二十羅預各一須臾。一日一夜。有三十須臾。日極長時。晝有十八夜。有十二極短時。

晝有十二夜。有十八。又月盈至滿。謂之白分。月虧至晦。謂之黑分。白前黑後。合爲一月。六月合爲一行。日遊在內。北行也。日遊在外。南行也。總此二行。合爲一歲。又分一歲以爲六時。如漸熱。盛熱。如雨時。茂時。如漸寒。盛寒。總三月爲一時。兩時爲一行。兩行爲一年。二年半爲一雙。此由閏故。以閏月兼本月。此謂月雙。非閏雙也。積此時數。劫有四種。一別劫。二成劫。三壞劫。四大劫。從人壽十歲。漸至八萬歲。八萬歲。又漸減至十歲。爲一別。依雜阿含經云。由旬城高下亦爾。滿中芥子。百年取一芥盡。

劫猶不盡。按此卽爲別劫也。若據大劫卽以八十由旬爲量。成劫四十壞劫四十。所以然者。世間成時二十別劫。住時二十別劫。壞時二十別劫。空時二十別劫。此中以住合成。以空合壞。故各四十別劫。總此成壞。合有八十別劫。爲一大劫。故名阿僧祇。按索訶世界一大劫中。千佛出世。釋迦牟尼如來。於住劫中。當第四佛。尚餘九百九十六佛。於後續次而出。依裝法師西國傳云。數量之稱。謂踰繕那者。自古聖王一日運行十六里也。故毗曇論。四肘爲一弓。五百弓爲一拘盧舍。八拘盧舍爲壞劫。

一由旬。一弓長八尺。五百弓長四百丈。一里有三百六十步。一步有六尺。合有二百一十六丈爲一里。計前四百丈爲一拘盧舍。猶欠三十二丈。不滿二里。計一拘盧舍。減有二里。計八拘盧舍。減十六里。爲一由旬。

依長阿含經云。三災上際云何。若火災起時。至光音天爲際。若水災起時。至遍淨天爲際。若風災起時。至果實天爲際。三災欲起時。世間人皆行正法。正見。修十善。行此法時。有人得第二禪者。上昇空中。住聖人道。天道。

梵道修無覺無觀。身壞命終來生人間。復得生光音天。爾時地獄盡畜生盡。次餓鬼阿須倫乃至他化自在天盡。然後人盡無有遺餘。此世敗壞乃成爲災劫盡壞時。火災將起。一切人民皆背正向邪。競行十惡。天久不雨。所種不生。依水泉源乃至四大駛河皆悉枯竭。久之之後。風入海底。一日出時。百草樹木一時凋落。二日出時。四大海水從百由旬至七百由旬自然枯涸。三日出時。四大海水千由旬至七千由旬。展轉消盡。四日出時。四大海水深千由旬悉乾。五日出時。四大海水縱廣七千。

由旬乃至竭盡。六日出時。此地厚六萬八千由旬。皆悉烟出。從須彌山乃至三千大千刹土及入大地獄靡不燒滅。烟盡無餘。一切無常不得久住。七日出時。大地須彌山漸漸崩壞。百千由旬永無遺餘。山皆洞然。諸寶燐烈。烟焰震動。至於梵天。一切惡道俱悉蕩盡。十五天上十四天以下。盡成灰墨。人民命終或生地獄或生他土。無日月星宿亦無晝夜。唯有大冥。謂之火劫。火災果報。致此敗壞。劫欲成時。火乃自滅。更起大雲。漸降大雨。滴如車軸。是時三千大千刹土水遍其中。及至梵天。此之

水界與器世間。一時俱沒。如是沒已。七水災過復七火災。從中無間。疾風颶起。支節復能消盡。此之風界與器世間。展轉傷壞。依順正理論云。初火災興。次水災興。後風災興。應知三災起時。七火災次。一水災。及至溝七水災。復有七火災。後風災起。如是總有八七火災。一七水災始。一風災。水風災起。皆次火災。何緣七火方一水災。極光靜天壽勢。故謂彼壽量極八大劫。故至第八方一水災。由此應知。要度七水八七火後。乃一風災。由遍澤天壽勢。故謂彼壽量六十四劫。故第八方一風災。如

諸有情修定漸勝。所感異熟。身壽漸長。由是所居亦漸久住。又對法論云。如是東方無間無斷。無量世界。或有將壞。或有將成。或有正壞。或壞已住。或有正成。或已住。乃至一切十方。亦爾如是。若有情世間。若器世間。總名苦諦。又雜心論。問何故壞劫。不至第四禪。答淨居天。故彼無上地生。卽彼般涅槃故。亦不下生下地。彼初禪內。有覺觀火擾亂。故外爲火災。第二禪內。喜水擾亂。故外爲水災。第三禪內。有出入息風擾亂。故外爲風災。

依起世經云。爾時復經無量久遠。不可計數日月時。起大重雲。乃至遍覆梵天世界。注大洪雨。滴如車軸。經歷百千萬年。彼雨水聚漸漸增長。乃至天所住世界。其水遍滿。爾時四方一時有大風起。其風名爲阿那毗羅吹。彼水聚混亂不停。水中自然生大沫聚。大風吹沫擲置空中。從上造作梵天宮殿。如是次造他化自在天。展轉至夜摩天。六天次第具足。時彼水聚復造須彌山。復吹浮沫。爲三十三天。又吹水沫於須彌山半腹之間。爲日月天子宮殿。又吹水沫於海水上。爲空居夜叉宮殿。又吹水沫於須彌山四面大海之下。作四面阿修羅城。又復大風吹水聚沫。造作餘大寶山。如是展轉吹水沫過。四大洲八萬小洲。須彌山王。乃於其中。湛然停積。便有大海。又依順正理論云。所言成劫。謂從風起。乃至地獄。始有情生。謂此世間災所壞已。二十中劫。唯有虛空過此長時。次應復有等住世成劫。便至一切有情生。有生趣後。生餓鬼。生地獄。若初一有情生無間獄。二十中成劫。應知已滿。此後復有二十中劫。名成已住。次第而起。

立世阿毗曇論云。一切器世界起。謂地火兩界。風界起吹。火界蒸鍊。一切物使成堅實。旣堅實已。一切諸寶種類。皆得顯現。如是多時。六十小劫。又長阿含經云。此三及地爲四災四劫。除地說三爲大劫。唯未至第四禪爲淨居天。故無上地可生。卽於彼處涅槃。亦不下生。漸分天地。迸出日月。達須彌山。照四天下。晝夜晦朔。春秋歲數。終而復始。劫初成時。諸天來下爲人。皆悉化生。身光自在。神足飛行。有自然地味。猶如醍醐。其後衆生漸成團食。又樓炭經云。地肥不生。便生兩枝葡萄。其味亦甘。

久。久。葡萄不生。更生秔米。備衆美味。衆生食之。生男女形。有夫妻之名。因此世間有處胎生。爾時造贍婆大城。乃至一切城郭。自然秔米。朝刈暮熟。刈後隨生。時有衆生。并取日糧。如是相教。乃至併取五日。秔米漸生棟檜。刈已不生。爾時衆生懊惱悲泣。各封田宅。秔米以爲疆畔。其衆自藏己米。盜他田穀。無能決者。議立一平等王。善護人民。賞善罰惡。便有刀杖等物。考楚殺戮。此是生老病死之原。天下豐樂。奉行十善。哀念人民。如父母愛子。人民敬主。如子敬父。又依順正理論云。初受餒食。故

卷之三

卷之三

卷

身漸堅重。由漸耽味地味便隱。從茲復有地皮餅生競復隱。有非種香稻自生。衆共取之以充所食。久住不壞。

小三災部 瘟病

依智度論云何名爲劫。一小劫者名爲一劫。二十小劫亦名一劫。四十小劫亦名一劫。六十小劫亦名一劫。八十大劫名一大劫。第一疾疫災。一切國土所有人民等遭大疾疫。一切鬼神起瞋恶心。損害世人壽命短促。唯住十歲。身形矬小。是時諸人不行正法。貪着邪見。諸惡

鬼神處處損人。大國王種悉皆崩亡。所有國土次第空廢。一日一夜疾病疫死。是時土地白骨所覆。劫末唯七日在於七日中無量衆生遭疫死盡。設有在者各散別處合集閻浮提內男女唯餘一萬留爲當來人種。唯此萬人能持善行諸善鬼神欲令人種不斷絕故擁護是人以好滋味令入毛孔過七日後是大疫病一時息滅一切惡鬼皆悉捨去飲食衣服應念所須陰陽調和美味出生身形可愛安樂無病譬如親愛久不相見忽得聚集生喜樂心共相携持不相舍離是前劫人壽命十

歲後劫壽命最長。二十千歲。如此功德自然得成。與善法相應。捨壽命後生善道中。從天捨命還生人道。自然賢善戒品具足。更生天道。久久如是。壽命八十千歲時住阿僧祇年。

刀兵

第二小災起。由大刀兵人壽十歲時。三毒邪見。日夜生長。父母兒子兄弟眷屬。互相鬭諍。何況他人。或以瓦石刀杖互相怖畏。四方諸國。互相伐討。一日一夜害死無量。人行不善。得是果報。人家一時沒盡。縱有餘殘。各各唯餘一萬。留爲當來人種。

分散是時劫末。餘七日在於七日中。手執草木。卽成刀仗。由此器仗。互相殘害。怖畏困死。是時諸人怖懼。刀仗逃竄林藪。或渡江水。隱蔽孤洲。或入坑窟。以避災難。或時相見。仍各驚走。恐怖失心。或時仆地。如是七日。刀兵橫死。其數無量。設有在者。各散別處。合集闇浮提男女。唯餘一萬。留爲當來人種。

饑饉

第三劫小災起時。因大饑饉。災欲起時。由天亢旱。一切鬼神。起嗔惡心。損害世人。壽命短促。身形短小。或二三

擦手所食稀釋。人髮爲衣。貧窮困苦。愚癡邪見。日夜生長。造作惡業。天不降雨。四五年中由大旱故。草菜米穀俱盡。饑餓死者其數無量。是時思欲見水尚不可得。何況飲食。是刦中間。唯七日在一日一夜。餓死無數。縱有在者。各散別處。合數閭浮提內。男女大小共一萬人。留爲當來人種。

相生

依中阿含經云。過去有輪王出世。名曰頂生。奉持法齋。修行布施。國中貧者出財用給。後經多時。財不能繼。人

轉窮困。因窮便盜他物。其主捕收。縛送王所。王問彼人。汝實盜耶。彼曰以貧困故。若不盜者。便無自濟。王卽出財而給與之。語盜者曰。汝等還去。後莫復作。由斯之故。人作是念。我等亦應盜取他物。於是各競行盜。故彼人壽轉減。形色轉惡。有人復盜送王。王聞已便作是念。若我國中有盜他物。更出財物。盡給與者。如是竭藏。盜遂滋甚。我今寧可作極利刀。有偷盜者。便收捕斬於後。彼人効此利刀。持行刦物。捉彼物主。截斷其頭。因貧盜甚。刀殺轉增。時彼盜者便作是念。王若知實。或縛鞭我。或

08

90 91 92 93 94 95 96 97 98 99 100

擯罰錢或貫標上我寧妄言欺誑念已白王我不偷盜是爲因貧從此嫉妒邪淫兩舌穢語欲惡貪邪一法增三法轉增從人壽入萬歲減至十歲佛復告比丘曰未來久時人壽十歲女生五月卽便出嫁人壽十歲時有穀名稗子爲第一美食所有酥油鹽蜜甘蔗一切盡沒唯行十惡業道父子兄弟姊妹親屬展轉賊害爾時有人生慙恥羞愧便作是語我等由昔生不善心令親族死盡今寧可共行善法離斷殺業行善法已壽便轉增形色轉好壽十歲人生子壽二十復作是念我等應可

更增行善。壽更轉增。生子壽四十歲。復離邪淫。生子壽八十歲。復離妄言。生子壽百六十歲。復離兩舌。生子壽三百二十歲。復離麤言。生子壽六百四十歲。復離绮語。生子壽二千五百歲。復離貪嫉。生子壽五千歲。復離瞋恚。生子壽一萬歲。復離邪見。生子壽二萬歲。復離非法欲惡。貪行邪法。我等寧可離此三惡。不善法行是善已。欲色轉好。生子壽四萬歲。壽四萬歲時。孝順父母。恭敬沙門梵志。奉行順事。修集福業。行是善已。生子壽八萬歲。人壽八萬歲時。此閻浮洲極大豐樂。女年五百歲。乃

當出嫁時。有主名螺爲轉輪王。聰明智慧。整御四天下。統領大地。以法教令。令得安樂。

對除

依新婆沙論云。有聖言說彼對治。謂若有能一日一夜持不殺戒。於未來生。決定不逢刀兵災。若能以一詞梨怛鷄果。起殷淨心。奉施僧衆。於當來世。決定不逢疫病災。若能以一團食施諸有情。於未來世。決定不逢餓饉災。

三界篇

四洲部 會名

長阿含起世經等。四洲地心。即是須彌山。山外別有八山。山下大海深八萬四千由旬。其中有八功德水。如是漸小。至第七山下。水廣一千二百五十由旬。其外鹹海廣於無際。海外有山。即是大鐵圍山。四周圍輪併。一月。晝夜廻轉。照四天下。名爲一國土。卽以此爲量。數至滿千鐵圍達訖。名一小千。復至一千鐵圍達訖。名爲中千世界。卽數中千。復滿一千鐵圍達訖。名爲大千世界。其中四洲山王日月。乃至有頂各有萬億。成則同成壞。

則同壞。皆是一化佛所統之處。名爲三千大千世界。號爲娑婆世界。梵本正音。名爲索訶世界。廣名曰三界。一欲界。二色界。三無色界。

地量

依華嚴經云。三千大千世界。以無量因緣乃成。且如大地。依水輪。水依風輪。風依空輪。空無所依。衆生業感。世界安住。故菩薩藏經云。世有大風。名烏盧博迦。乃至衆生諸有覺受。皆由此風所搖動。故此風輪量高二拘盧舍。於此風上虛空之中。復有風起。名曰風雲輪。高五拘

盧舍於此風上虛空之中復有風起名瞻薄迦高十踰
繕那於此風上虛空之中復有風起名吠索縛迦高三
十餘繕那又此風上虛空之中復有風起名曰去來高
四十踰繕那如是舍利子次第輪上六萬八千拘胝又
樓炭經云此地深二十億萬里下有金粟亦二十億萬
里下有金剛亦二十億萬里下有水際八十億萬里下
有無極大風深五百二十億萬里此雖六重前四是地
輪第五是水輪第六是風輪

山量

今據三千大千世界之中。諸佛世尊皆垂化現。現生現滅。導聖導凡。約一四天下。卽以一日月所照臨處。以蘓迷盧山爲中。高三百三十六萬里。在大海中。亦深三百三十六萬里。據金輪上。如起世經云。須彌山下。有八重山。初山名佉提羅。佉提羅山外。有山名伊沙陀羅。伊沙陀羅山外。有山名曰遊乾陀羅。遊乾陀羅山外。有山名曰善見。善見山外。有山名曰馬半頭。馬半頭山外。有山名各曰尼民陀羅。尼民陀羅山外。有山名毗那耶迦。毗那耶迦山外。有山名研迦羅。諸山中間。皆是海水。水皆有

優鉢羅華。鉢頭摩華。拘牟陀華。奔荼利迦華等。諸妙香物遍覆於水。大海北。有大树王。名曰闍浮樹。周圍七十由旬。根入地二十一由旬。高百由旬。乃至枝葉四面垂覆五十由旬。去海不遠。有山名鬱禪山。去此山不遠。有山名金壁。過此山已。有山名雪山。雪山中間。有寶山。其山頂上有阿耨達池。其水清冷澄徹無穢。其池底金沙充滿。華如車輪。根如車轂。華根出汁。色白如乳。味甘如蜜。池東有恒伽河。從牛口出。從五百河入於東海。池南有新頭河。從獅子口出。從五百河入於南海。池西有博

父河從馬口出。從五百河入於西海。池北有斯陀河。從象口出。從五百河入於北海。依裝法師西國傳。其瞻部洲之中地者。阿那婆答多池也。在香山之南。大雪山之北。周八百里。金沙彌漫。清波皎鏡。大地菩薩以願力故化爲龍王。於中潛宅。出清冷水。屬瞻部洲。或曰潛流下地。出積石山。卽徒多河之流。爲中國之河源也。應運四王。南象王之國。躁烈篤學。特閑異術。西寶王之鄉。無禮義。重財賄。北馬王之俗。天資獵暴情。忍殺戮。東人主之地。風俗機變。仁義照明。四王之俗。東方爲上。清心釋累。

之訓。出離生死之數。象王之國。其理優焉。又起世經云。阿耨達宮中有五在堂。阿耨達龍王恒於中止。佛言何故。名爲阿耨達。此闇浮提。所有龍王。盡有三患。一者所有諸龍。皆被熱風。熱沙著身。燒其皮肉及燒骨髓。以爲苦惱。唯有阿耨達龍。無有此患。二者所有龍宮。惡風暴雨。吹其宮內。失寶飾衣。龍身自現。以爲苦惱。唯阿耨達龍王無如此患。三者所有龍王。各在宮中。相娛樂時。金翅大鳥。入宮搏撮。龍懷熱惱。唯阿耨達龍。無如此患。若金翅鳥王生念欲往。卽便命終。故名阿耨達。言無惱也。

佛告比丘。雪山右面有城名毗金離。其城北有七黑山。黑山北有香山。其山常有音樂之聲。山有二崛。柔軟香潔。猶如天衣妙音。乾闥婆王在其中止。又順正理論云。四洲之中。唯瞻部洲有金剛座。上窮地際。下據金輪。諸最身菩提薩埵。將登無上正等菩提。皆坐此座。起金剛定。又長阿含經云。佛告比丘。有四大天神。何等爲四。一者地神。二者水神。三者風神。四者火神。

界量

依立世阿毗曇論云。大鹹海外。有山名曰鐵圍。入水三

百一十二由旬半出水亦然廣亦如是。周圍三十六億一萬三百五十由旬從閻浮提南際取鐵圍山三億六萬六百六十三由旬從閻浮提中央取東弗於逮中央三億六萬六百由旬從閻浮提中央取西瞿耶尼中央四億七萬七千五百由旬從鐵圍山水際極西鐵圍山水際逕度十二億二千八百二十五由旬鐵圍山水際周廻三十六億八千四百七十五由旬從此須彌山頂至彼須彌山頂十二億三千四百五十由旬從此須彌

山中央至彼須彌山中央十二億八千三百五十五由旬從此須彌山根至彼須彌山根十二億三千十五

方士

尋夫方土人別不同總有二種一凡二聖若約方言之
卽有四種所謂四天下人若以住處言之四天下中合
有四千八處則有四千八種之人若直按閻浮提一方
言之如樓炭經說總有三十六大國人亦同之若轉別
論則有二千五百小國人亦同之又一一國中種類若

邊漢羌戎蠻狄楚越各隨方土色類不同又佛告比丘此四天下有八千天下圍遼其外復有大海水周而圍遼八千天下復有大金剛山繞大海水須彌山北有鬱單越國其土正方人面亦方像彼地形有大樹王名菴婆羅花果豐茂衆鳥和鳴地生輒草榮繁有旋色如孔翠香如婆師輒若天衣其地柔輒以足蹈地地四二寸舉足還覆地平如掌彼土四面有四阿耨達池其土當有自然粳米不種自生無有糠糴如白花聚其土常有自然金鏡有摩尼珠名曰焰光置於鏡下飯熟光滅不

假樵火不勞人功其土有樹名曰曲躬葉葉相次天雨
不漏彼諸男女止宿其下復有香樹高七十里花果繁
茂其果熟時皮破香出自然出種種衣食河中有衆寶
船彼方人民入中洗浴脫衣岸上乘船中流娛樂訖已
度水遇衣便著不求自足其土人身顏貌同等髮垂八
指齊眉而止彼人懷妊七日八日便產隨生男女置於
四衢道頭舍之而去有諸行人經過其邊出指含味指
出甘乳充遍兒身過七日已其兒長成 彼人等男向
男衆女向女衆彼人命終不相哭泣莊嚴死屍置四衢

道捨之而去有鳥名憂慰禪伽接彼死屍置於他方其
土人民無所繫戀亦無蓄積壽命常定死盡生天彼人
前世修十善行能施沙門婆羅門及施貧窮乞兒疾病
困苦者給其衣食乘輦華蔓塗香牀榻房舍又造塔廟
燈燭供養其人命終生鬱單越壽命千歲是故彼人得
稱爲勝於三天下其土最上順正論云北俱盧洲形如
方座東弗於逮其土正圓東勝身洲東狹西廣如半月
形俱耶尼者其土形如滿月西牛賀洲亦如月圓

身量

依立世經云。閻浮提人命促至十歲時。身形短小。至百歲時。身長三肘半。或長四肘。弗婆提人。長八肘。瞿耶尼人。長十六肘。欝單越人。長三十二肘。

壽量

如毗曇說。閻浮提人壽命不定。上壽一百二十五歲。中壽一百歲。下壽六十歲。若據劫初壽命無量。或至八萬四千。東弗於逮人壽二百歲。西俱耶尼人壽三百歲。北欝單越人壽千歲。

諸天部 辨位

如婆沙論中說。天有三十二種。欲界有十。色界有十八。無色界有四。合有三十二天也。欲界十者。一名於手大。二名持華蔓。三名常放逸天。四名日月星宿天。五名四大天王天。六名三十三天。七名炎摩天。八名兜率陀天。九名化樂天。十名他化自在天。色界十八者。初禪有三天。一梵衆天。二梵輔天。三大梵天。二禪之中有三天。一少光天。二無量光天。三光音天。第三禪中亦有三天。一少淨天。二無量淨天。三遍淨天。第四禪中獨有九天。一名福生天。二名福慶天。三名廣果天。四名無想天。五名無

煩天。六名無熟天。七名善現天。八名善見天。九名色究竟天。第三無色界中有四天。一名空處天。二名識處天。三名無所有處天。四名非想非非想處天。問曰。未知此三十二天幾。凡幾聖答曰。二唯凡住。五唯聖住。自餘二十五天。凡聖共住。所言二唯凡住者。一是初禪大梵天王。二是四禪中無想天中。唯是外道所居。所言五唯聖人居者。謂從廣果已上。無煩無熟等五淨居天。唯是那含羅漢之所住也。縱凡生彼天者。要是進向那舍身得四禪法。於無漏處熏禪業。或起一品至九品方乃得生。

涅槃經云。有四種天。一世間天。二生天。三淨天。四義天。世間天者。如諸國王。生天者。從四天王。至非想非無想天。淨天者。從須陀洹。至僻支佛。義天者。十住菩薩摩訶薩。以能善解諸法義。見一切法。是空義故。

會名

第一四天王者。依長阿含經云。東方天王名多羅咤。此云治國王。領乾闥婆及毗舍闍神將護弗婆提人。不令侵害。南方天王名毗琉璃。此云增長。領鳩槃荼及薜荔神將護闍浮提人。西方天王名毗留博叉。此云雜語王。

領一切諸龍及富單那將護瞿耶尼人。北方天王名毗沙門。此云多聞主。領夜叉羅刹將護齋單越人。

業因

正法念經云。若身不殺盜淫口不妄語。不綺語。不兩舌。不惡口。持此七戒。得生四天王天。得生化生天。又長阿含經云。先於佛所淨修梵行。於此命終。生忉利天。使彼諸天增益五福。一者天壽。二者天色。三者天名稱。四者天樂。五者天威德。

界量

依起世經云。須彌山下。別有三級。諸神住處。其最下級縱廣正等六十由旬。其第二級縱廣正等四十由旬。其最上級縱廣正等二十由旬。此三級中。皆有夜叉住。須彌山半高四萬二千由旬。有四大天王所居宮殿。須彌山上。有三十三天宮殿。帝釋所居。三十三天以上。有一倍有夜摩天。又更一倍。有兜率天。又更一倍。有化樂天。又更一倍。有他化自在天。他化天上。又更一倍。有梵身天。梵身天下。有羅摩波旬。倍梵身天上。有光音天。倍光音天上。有遍淨天。倍遍淨天。上。有廣果天。倍廣果天上。有

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

不麤天。不麤天下。其間別有諸天宮殿所居之處。名無想衆生。倍不麤天上有不煩天。倍不煩天上有善見天。倍善見天上有善現天。倍善現天上有阿迦尼吒。諸天宮殿。阿迦尼吒天已上。更有天名。無邊空處。無邊識處。無所有處。非想非非想處。此等皆名諸天住處。如是界分衆生居住。若來若去。若生若滅。又立世阿毗曇論云。從闍浮提向下二萬由旬。是無間地獄。從闍浮提向下一萬由旬。是夜摩世間地獄處。從闍浮提至梵處。其遠甚高。釋迦云。於彌山不復計三昧耶輪計數其量不可。

廣狹

問曰。天量廣狹云何。答曰。如婆娑論說須彌山頂。而別縱廣八萬四千由旬。其中平可居處。但有四萬由旬。炎摩天倍前四萬。其地縱廣八萬由旬。如是乃至他化自在天處。次第倍前。其地縱廣六十四萬由旬。四禪之地。廣狹不定。初禪如小千世界。二禪廣如中千世界。三禪廣如大千世界。第四禪地寬廣無邊。問曰。既彼一一四天下上。乃至各有究竟天者。是則處別可不相障礙耶。答曰。雖各有百億同居一處。而不妨碍。其猶光明遍到。

80

90
1
2
3
4
5
6
7
8
9
100

卷之三

卷一

二

亦無障礙。彼亦如是。故經中說色界諸天下來聽法。六
十諸天共坐一鋒之端。而不迫窄。都不相礙。

阿修羅部住處

依正法念經云。修羅居在五處住。一在地下衆相山中。
其力最劣。二在須彌山北入海。二萬一千由旬。有修羅
名曰羅睺。統領無量阿修羅衆。三復過二萬一千由旬。
有修羅名曰勇健。四復過二萬一千由旬。有修羅名曰
華髮。復過二萬一千由旬。有修羅名曰毗摩質多。此中出

聲徹於海外。故云響高。又起世經云。須彌山王東面過千由旬。大海之下有鞞摩質多羅阿修羅王國土。須彌山王南面過千由旬。大海之下有踴躍阿修羅王宮殿。須彌山王西面亦千由旬。大海水下有奢婆羅阿修羅王宮殿。須彌山王北面過千由旬。大海水下有羅睺羅阿修羅阿修羅王宮殿。摩婆帝城王所住處有羅睺羅阿修羅王聚會之所。

業因

經中具說十業。得阿修羅報。一身行微惡。一
口行微惡。

三意行微惡。四起於憍慢。五起於我慢。六起於增上慢。
七起於大慢。八起於邪慢。九起於慢慢。十廻諸善根。向
阿修羅趣。

戰鬪

觀佛三時經云。此毗摩質多羅阿修羅王。此鬼食法。唯
噉於泥及渠藕根。其兒長大。見諸天采女圍繞。卽自母
言人皆伉儷。我何獨無。其母告曰。香山有神。名乾闥婆。
其神有女。容姿美妙。甚適我意。今爲汝聘。時阿修羅納
彼女已。未久之間。卽便懷孕。經八千歲。乃生一女。其女

顏容端正。天下無比。矯尸迦聞求女爲妻。修羅聞喜以女妻之。帝釋立字號曰悅意。後帝釋至歡喜園。共諸采女入池遊戲。爾時悅意卽生嫉妒。遣五夜叉往白父王。今此帝釋不復見寵。與諸采女自共遊戲。父聞此語。心生瞋恚。卽興四兵。往攻帝釋。立大海水。踞須彌山頂。九百九十九手。同時俱作。撼善見城。搖須彌山。四大海水。一時波動。帝釋怖驚靡知所趣。時宮有神。白天王言。過去佛說。般若波羅蜜王當誦持。鬼兵自碎。是時帝釋坐善法堂。燒衆名香。發大誓願。般若波羅蜜是大明呢。是

無上。呪是無等。等呪。真實不虛。作是語時。於虛空中。有刀輪。自然而下。修羅耳鼻手足。一時盡落。令大海水赤如螢珠。修羅驚怖。遁入藕絲孔中。

感應緣 一 試

西國志云。中印度在瞻波國西南。山石澗中有修羅窟。有人因遊山修道。偶逢此窟。遂入中。見有修羅宮殿。阿修羅衆。旣見斯人。希來到此。語云汝能久住。不答云。欲還本處。修羅旣見不住。遂施一桃與食。修羅語言。汝宜急出。恐汝身大窟。不得容言。訖走出。身遂增長。人頭纏

出身大孔塞。遂不出盡。自爾已來。年向數百。唯有大頭。如三碩甕。因此號爲大頭仙人。

鬼神部 苦樂

如婆沙論說。鬼中苦者。卽彼無威德鬼。恒常饑渴。累年不聞漿水之名。豈得逢斯甘餚。設值大河欲飲。卽變爲炬火。縱得入口。卽腹爛焦。第二鬼中樂者。卽彼有威德中。富足豐美。身服天衣。口餐天供。任情遊戲。然人鬼殊趣。受報分顯。不及於人。雖有威德。以報卑劣。常畏於人。感應緣 二 試

唐眭仁舊者。趙郡邯鄲人也。少事經學。不信鬼神。後徙家向縣。於路見一人。衣冠甚端。乘好馬。從五千餘騎。視仁舊而不言。後數見之。經十年。凡數十相見。後忽駐馬。呼仁舊曰。比頗見君。情相眷慕。願與君交遊。舊卽拜之。問公何人耶。答曰。吾是鬼耳。姓成名景。本弘農西晉時爲別駕。今任胡國長史。仁舊問其國何在。王何姓名。答曰。黃河已北。沙磧是也。其王卽是故趙武靈王。今統此國。總受太山控押。每月各使上相。朝於太山。是以數來過此。與君相遇也。吾乃能有相益。令君豫知禍難而。

先避之。可免橫害。唯死生之命。與大禍福之報。不能移動耳。仁舊從之。景因命其從騎常掌事。贈遣隨舊。有事無不先知。時岑之象。爲邯鄲令。子文本年未弱冠。之象請仁舊於家。教文本書。舊以此事告文本。仍謂曰。成長史語我。神道亦有食。然不能得飽。嘗苦饑渴。若得人食。便得一年飽。文本卽爲具餌。備設珍羞。舊曰。鬼不欲入人屋。可於外水邊張幕。設席陳酒食於上。至時。仁舊見景兩客來坐。從百餘騎。仁舊請金帛以贈之。文本以黃色塗大錫作金。以紙爲絹帛。及景食畢。令其從騎更代。

坐食贈之。景深喜謝曰。郎君頗欲知壽命乎。文本辭云。不願知也。景笑而去。數年後。仁蒨遇病。長史來報云。是君鄉人趙某爲太山主簿。王簿一員。闕薦君爲此官。故爲文案經紀。召君耳。案成者當死。蒨問請將案出。景云。君壽應年六十餘。今始四十。但以趙主簿橫徵召耳。蒨憂懼。病逾篤。景請蒨曰。趙主簿必欲致君。文書欲成。懼不可免。急作一佛像。彼文書自消。蒨告文本以三千錢爲畫一座。像於寺西壁訖。而景來告曰。免矣。蒨情不信。佛意尚疑之。因問景云。佛法說有三世因果。此爲虛實。

答曰。皆實。蒨問曰。道家章醮爲有益不。景曰。道者被天帝總統六道。是謂天曹。閻羅王者。如人間天子。太山府君。如尚書令錄。五道神。如諸尚書。若我輩國。如大州郡。每斷人間事。道上章請福。天曹受之。下閻羅王奉行。無理不可求免。有枉必當得申。何爲益也。蒨又問佛法家修福。何如。景曰。佛是大聖。無文書行下。其修福者。天神敬奉。多得寃宥。若福厚者。雖有惡道。文字不得追拏。言畢卽去。蒨一二日能起。

南陽宋定伯。年少時。夜行逢鬼。問曰。誰。鬼尋問卿。復誰。

定伯詎之。言我亦鬼。鬼問欲至何所。答曰。欲至宛市。鬼言我亦欲至宛市。遂行數里。鬼言步行太遲。可共遙相擔也。定伯曰。大善。鬼便先擔。定伯數里。鬼言卿太重。將非鬼也。定伯言。我新死故身重耳。伯因復擔鬼。鬼畧無重。如是再三。定伯復言。我新死。不知鬼何所畏忌。鬼答言。唯不喜人唾。於是共行。道遇水。定伯令鬼先度。聽之。了無聲音。定伯自度。漕漼作聲。鬼復言。何以聲。定伯曰。新死不習度水故爾。勿恠吾也。行欲至宛市。定伯便擔鬼著頭上。急持之。鬼大呼聲。咋咋然索下。不復聽之。徑

至宛市中下著地化爲一羊便賣之恐其變化爲並唾之得錢千五百乃去於時石崇言定伯賣鬼

畜生部 壽命

如毗曇說云。畜生道中。壽極長者。不過一劫。如持地龍王。及依羅鉢龍等。壽極短者。不過蜉蝣之蟲。朝生夕死。不盈一日。如智度論說。佛令舍利弗觀鵠。過未前後各八萬劫。猶不捨鵠身。故知畜生壽報長遠。非凡所測也。

紫因

經中說具造十業。得畜生報。一身行惡。一口行惡。二意

行惡。四從貪煩惱。起諸惡業。五從瞋煩惱。起諸惡業。六從癡煩惱。起諸惡業。七毀罵衆生。八惱害衆生。九施不淨物。十行於邪淫。若依正法念經說。畜生種類。各各差別。業因得報。亦各不同。若依地持具造十惡。一一能令衆生墮於地獄。畜生餓鬼。後得人身。猶有習報。

受報

依賢愚經云。爾時有諸估客。欲詣他國。其諸商人共將一狗。至於中路。衆賈頓息。伺人不看。狗便盜肉。衆人瞋打而折其腳。棄野而去。時舍利弗天眼見狗戀躋餓餓。困篤垂死。着衣持鉢。入城乞食。得已持至狗所。慈心憐愍。以食施與。狗食活命。卽爲狗說微妙之法。狗便得終生舍衛國婆羅門家。後舍利弗獨行乞食。婆羅門見而問言。尊者獨行無沙彌耶。舍利弗言。我無沙彌。聞卿有子。當用見與。婆羅門言。我有一子。字曰均提。聽爲沙彌。漸爲說法。心開意解。得阿羅漢果。功德悉備。均提沙彌始得道已。自以智力觀過去世。本造何行。遭聖獲果。觀見前身作一餓狗。蒙佛恩。今得人身。并獲道果。欣心內發。善巧讚唄人所樂聽。又智度論云。愚癡多故。受蚯蚓

西
金

蟻。螻。蠻。鵠。鷺。角。鴉。之屬。習欲生者。是水鳥。鳬。鴨。之流。
習癡生者。是陸鳥。鶴。梟。之類。或晝見夜亦見。或夜見晝。
不見。又長阿含及增一經云。金翅鳥有四種。一卵生。二
胎生。三濕生。四化生。皆先大布施。由心高凌虛苦惱衆
生。心多瞋慢。生此鳥中。飛下海中。以翅搏水。水卽兩披。
深二百由旬。取卵生龍。隨意而食之。胎濕化等。亦復如
是有化龍子。於六齋日受齋入禁時。金翅鳥欲取食之。
卿上須彌山北。大鐵樹上。高十六萬里。求覓其尾。了不
可得。鳥聞亦受五戒。又觀佛三昧經云。金翅鳥王名曰。

正音於衆羽族快樂自在。於閻浮提日食一龍王。及五百小龍。周而復始。經八千歲。死相既現。諸龍吐毒。不能得食。饑逼惶。求不得安。至金剛山。從金剛直下。從大水際。至風輪際。爲風所吹。還上金剛。如是七返。然後命終。以其毒故。令十寶山。同時火起。難陀龍王。懼燒此山。卽降大雨。滴如車軸。鳥肉消盡。唯餘心存。心又直下。七返如前。住金剛山。難陀龍王。取爲明珠。轉輪聖王。得爲如意珠。若人念佛心。亦如是。又樓炭長阿含經等云。有十六王。一婆竭。二難陀。三跋難陀。四伊那婆羅。五提頭。

賴吒。六善見。七阿盧。八伽旬羅。九伽毗羅。十阿波羅。十一伽菴。十二瞿伽菴。十三阿耨達。十四善住。十五憂曇。伽波頭。十六得叉迦。又海龍王經云。佛告龍王。拘樓秦。佛時。九十八億居家出家。違其禁戒。皆生龍中。拘那含。牟尼佛時。八十億居家出家。毀戒恣心。壽終之後。皆生龍中。迦葉佛時。六十四億居家出家。犯戒。皆生龍中。於我世中。九百九十億居家鬪諍。誹謗。經戒。死生龍中。又僧護經云。爾時世尊。告僧護比丘。汝於海中所見龍王。受此龍身。牙甲鱗角。其狀可畏。臭穢難近。以畜生道障。

出家法不能得免。金翅鳥王之所食噉。

地獄部　述意

地獄幽酸。特爲痛切。刀林聳日。劍嶺參天。沸鑊騰波。炎爐起焰。鐵城晝掩。銅柱夜然。如此之中。罪人遍滿。周憚困苦。悲號叫喚。牛頭惡眼。獄卒凶牙。長叉枉肋。肝心礮擣。猛火逼身。肌膚淨盡。或復春頭擣脚。煮鬼烹冤。裂膽抽腸。屠身膾肉。

受報

第一想地獄十六者。衆生瞋忿。以爪相齧。應手肉墮。想

以爲死。復次其中衆生懷害。想執刀劍遙相斫刺。剝
齧割身碎在地。想謂爲死。冷風來吹。尋復活起。出想地
獄。不覺忽到黑沙地獄。熱風暴起。吹熱黑沙來著其身。
燒皮徹骨。身中焰起。廻旋周還。身燒焦爛。其罪未畢。出
黑沙地獄。到沸屎地獄。有沸屎鐵丸。自然滿前。驅迫罪
人。使把鐵丸燒其身手。復使搘著口中。從咽至腹。通徹
下過。無不焦爛。有鐵嘴蟲唼肉達髓。苦毒無量。久受苦
已。出沸屎獄。到鐵釘地獄。獄卒撲之。偃熱鐵上。舒展其
身。以鐵釘釘手足。周遍身體。盡五百釘。苦毒號吟。久受

苦已。出鐵釘地獄。到饑鐵地獄。卽撲熱鐵上。銷銅灌口。
從咽至腹。通徹下過。無不焦爛。久受苦已。出饑地獄。到
渴地獄。卽撲熱鐵上。以熱鐵丸着其口中。燒其唇舌。苦
毒啼號。久受苦已。出渴地獄。到一銅鑊地獄。獄卒怒目。
捉罪人足。倒置鑊中。隨湯涌沸。上下廻旋。身壞爛熱。萬
苦並至。久受苦已。出一銅獄。至多銅鑊地獄。以鐵鉤取
置餘鑊中。悲叫苦毒。久受苦已。出多銅地獄。至石磨地
獄。以大熱石壓身。廻轉揩磨。骨肉糜碎。久受苦已。出石
磨獄。至膿血地獄。膿血沸漏。罪人於中東西馳走。頭向

爛壞又取膿血食之。苦毒難忍。久受苦已。出膿血獄。至量火地獄。有大火聚其火焰熾。馳迫罪人。手把熱鐵斗。以量火聚遍燒身體。吟呻號哭。久受苦已。出量火獄。到灰河地獄。灰湯湧沸。惡氣烽燎。廻波相博。聲響可畏。其河岸上有劍樹林。枝葉華實。皆是刀劍。罪人入河。隨波上下。廻覆沈沒。苦痛萬端。乃出灰河。至彼岸上。到劍樹林。被劍割刺。身體傷壞。手攀手絕。足蹈足斷。皮肉墮落。唯有白骨筋脈相連。宿對所牽。不覺忽至鐵丸地獄。有熱鐵丸。獄鬼驅使捉之。手足爛壞。舉身火然。萬毒並至。

久受苦已。乃出鐵丸獄。至斤斧地獄。捉此罪人。撲熱鐵上。以熱鐵斤斧。斫其手足。耳鼻舌身體。苦毒號叫。久受罪已。出斤斧獄。至豺狼獄。有群豺狼。竟來齦齧。肉墮骨傷。膿血流出。苦痛萬端。久受苦已。乃出豺狼獄。至劍樹地獄。入彼劍林。頭面身體。無不傷壞。有鐵嘴烏。啄其兩目。久受苦已。乃出劍樹獄。至寒冰獄。有大寒風。吹其身上。舉體凍傷。皮肉墮落。苦毒叫喚。然後命終。身爲不善。口意亦然。斯墮想地獄。第二黑繩大地獄。有十六小地獄。周帀圍繞。各縱廣五百由旬。由惡意向父母。佛及聲

聞卽墮黑繩地獄。第三埠壓大地獄。亦有十六小地獄。但造三惡業。不修三善行。第四叫喚大地獄。亦有十六小地獄。由瞋恚懷毒。造諸惡行故。第五大叫喚地獄。亦有十六小地獄。由習衆邪見。爲愛網所牽。造異陋行故。第六燒炙地獄。亦有十六小地獄。爲燒炙衆生故。第七大燒炙地獄。亦有十六小地獄。由捨善果業。爲衆惡行故。第八無間地獄。亦有十六小地獄。何名無間獄。卒捉彼罪人。剝取其皮。從足至頂。卽以其皮。纏罪人身。著火車上。輪碾熱地。周廻往返。身體碎爛。皮肉墮落。萬毒並

至。又有鐵城。四面火起。東焰至西。西焰至東。南北上下亦復如是。焰熾廻遑。間無空處。東西馳走。燒炙其身。皮肉焦爛。苦痛辛酸。彈指之頃。無不苦時。故名無間。總名八大地獄。各歷十六。又觀佛三昧海經云。阿鼻地獄者。縱廣正等八千由旬。七重鐵城。七層鐵網。有八十隔子。周匝七重。皆是刀林。復有七重劍林。四角有四大銅狗。眼如掣電。牙如劍樹。齒如刀山。舌如鐵刺。一切身毛。皆然猛火。牙端火流。燒前鐵車。輪輞出火。鋒刃劍戟。燒阿鼻城。赤如融銅。城內有七鐵幢。火漏如沸。鐵融流逆。漏

出四門。有八萬四千鐵蟠大蛇。哮吼如天震雷。五百夜父五百億蟲。八萬四千嘵頭上。火流如雨。遍體火焰滿阿鼻獄。閻羅王大聲告勅曰。汝在世時。不孝父母。邪慢無道。汝今入阿鼻獄。如是轉展。經歷大苦地獄。一日一夜。如閻浮提六十小劫。如是一大劫。具五逆者。受罪五劫。復有衆生犯四重禁。虛食信施。誹謗邪見。不識因果。斷學般若。毀十方佛。偷僧祇物。淫佚無道。逼掠淨戒尼。造衆惡事。此等罪人。經八萬四千大劫。身滿阿鼻獄。如起世經云。佛告諸比丘。有三天使在於世間。何等爲三。

一老二病三死。有人放逸。三業惡行。身壞命終。生地獄中。諸守獄者驅彼衆生至閻羅王前。王問罪人。汝昔人間。第一天使善教示汝。善訶責汝。豈得不見。答言不見。王重告言。汝豈不見爲人身時。或作婦女。或作丈夫。衰老相現。齒落髮白。皮膚緩皺。黑靨遍體。行步跛蹇。左右傾側。恃杖而行。血肉消竭。羸瘦奄弱。一切支節瘦懈難擗。汝見之不答言見之。時王告言。汝旣見如是相貌。云何不作如是思惟。我今具有如是老法。可作善業。使我長夜利益安樂。彼人復答言。我實不作如是思惟。以縱

蕩心行放逸故。王言汝愚癡人。不修善業。此之苦報。非他人作。是汝自業。自受報也。爾時閻羅王第二訶之。告言諸人。豈不見第二天使。世間出耶。答言不見。王復告言。汝豈不見昔在世間作人身時。若婦女身。若丈夫身。四大和合。忽爾乖違。痛苦所侵。纏綿困篤。不得自在。眠臥坐起。仰人扶侍。洗拭抱持。與飲與食。一切須人。汝見之不。彼人答言。我實見之。王復告言。汝見如是。云何不思。我今亦有如是之法。可作善業。令我當來長夜得大利益。大安樂事。彼人答言不也。我實不作如是思惟。以

懈怠心行放逸故。王告癡人。汝旣懶惰。不作善業。受此惡報。非他人作。還自受報爾。時閻羅王第三訶之。汝昔作人時。豈不見第三天使世間出耶。答言不見。王復告言。汝人間時。豈不復見若婦人身。若丈夫身。隨時命終。置於牀上。以雜色衣而蒙覆之。將出聚落。斗帳軒帳。種種莊嚴。眷屬圍繞。舉手散髮。灰土全頭。極大悲惱。號咷哭泣。舉聲大叫。椎脣哀慟。酸哽楚切。汝悉見不。答言見之。時王告言。癡人。汝昔旣見如此。何不思惟。我亦有死。未得免離。今宜作善。爲我長夜得大利益。彼人答言。我

實不作如是思惟。以昏昧心行放逸故。時王告言汝既放逸。不作善業。自造此惡。非他人造。將得果報汝還受感應緣。三驗。

晉趙泰字文和。清河貝丘人也。祖父京兆太守。泰郡舉孝廉。公府辟不就。精思典籍。有譽鄉里。仕中散大夫。泰年三十五時。心痛。須臾而死。下屍於地。心暖不已。留屍十日。平旦喉中有聲如雨。俄而蘇活。說初死之時。夢有人來近心下。復有二人乘黃馬。從者一人夾扶。泰披徑將東行。至一大城。崔巍高峻。將泰向城門入。經兩重門。有瓦屋數千間。男女大小亦數千人。行列而立。吏肴皂衣。有五六人。條疏姓氏。云當以科呈府君。泰名在三十。須臾。將泰與數千人男女。一時俱進。府君西向坐。簡視名簿訖。復遣泰南入黑門。有人着絳衣。坐大屋下。以次呼名。問生時作何罪孽。行何福善。泰答父兄仕宦皆二千石。我少在家修學。而不犯惡。乃遣泰爲水官監作。使將二千餘人。運沙碑岸。晝夜勤苦。後轉泰水官都督。知獄事。給泰馬兵。令案行地獄。所至諸獄。楚毒各殊。泰見祖父母及二弟。在此獄中。相見涕泣。泰出獄門。見有一

人齋文書來語獄吏言。有三人。其家爲彼於塔寺中。懸
燔燒香。救解其罪。可出福舍。俄見三人自獄而出。已有
自然衣服。完整在身。南詣一門。名開光大舍。見此三人。
卽入舍中。泰亦隨入。前有大殿。珍寶周飾。精光耀目。金
玉爲牀。見一神人。恣容偉異。殊好非常。坐此座上。邊有
沙門立侍甚衆。見府君來。恭敬作禮。泰問此是何人。府
君致敬。吏曰。號名世尊。度人之師。有願令惡道中人。皆
出聽經。時云有百萬九千人。皆出地獄。入百里城。在此
到者。奉法衆生也。行雖虧始。尚當得度。故開經法。七日

之中。隨本所作善惡多少。差次免脫。泰出此舍。復見一
城。方二百餘里。名爲受變形城。地獄考治已畢者。當於
此城更受變報。泰入其城。見數百局吏。對校文書云。殺
生者。當作蛇蝎。朝生暮死。刦盜者。當作猪羊。受人屠割。
淫佚者。作鶴鷺麋鹿。兩舌者。作鵝梟鵠鵠。捍債者。爲驃
驢牛馬。泰案行畢。還水官處。王者語泰曰。卿無罪過。故
相使爲水官都督。不爾。與地獄中人無以異也。泰問王
者曰。人有何行。死有樂報。王者曰。惟奉法弟子。精進持
戒。得樂報。無有謫罰也。泰復問曰。人未事法時。所行罪

過事法之後。得除不答。曰皆除也。語畢。王者開膝篋。檢秦年紀。尚有餘筭三十年在。乃遣秦還。臨別。王者曰。已見地獄罪報如是。當告世人。皆令作善。善惡隨人。其猶影響。可不慎乎。時晉太始五年七月十三日。乃爲祖父母二弟延請僧衆。大設福會。命子孫改意奉法。

趙石長和者。趙國高人也。年十九時。病一月餘日。亡家貧。未能及時殯斂。經四日而蘚。說初死時。東南行。見二人治道。在和前五十步。和行有遲疾。二人治道亦隨緩速。而道之兩邊。棘刺森然。皆如鷹爪。見人甚衆。羣走棘

中。身體傷裂。地皆流血。見和獨行平道。俱嘆息曰。佛子獨行大道中。前至見瓦屋采樓。可數千間。有屋甚高。上有一人。形高壯大。着皂袍。臨窓而坐。和拜之。閣上人曰。石君來耶。一別二千餘年。長和爾時意中便若憶此別時也。和相識有馬牧孟丞夫妻。先死已積年歲。閣上人曰。君識孟丞不。長和曰。識。閣上人曰。孟丞生時不能精進。今司掃除之役。孟丞妻精進。居處甚樂。舉手指西南一房。曰。孟妻在此也。孟妻開窓。見和厚相慰問。遍訪其家中大小。安否消息。俄見孟丞執筭提箕。自閣西來。亦

問家消息。閣上人曰。爾何所修行。長和曰。不食魚肉。酒不經口。恒轉尊經。救諸疾病。閣上人曰。所傳不妄也。語久之間。閣上人問都錄主者。審案石君名錄。王者案錄云。餘三十年命在。閣上人曰。君欲歸不。和對曰。願歸。乃勅主者以車騎兩吏送之。長和拜辭。上車而歸。前所行道。更有傳館吏民飲食儲跱之具。倏忽至家。因得蘿漢武帝東遊。未出函谷關。有物當道。其身數十丈。青眼曜睛。四足入土。動而不徙。百官驚懼。東方朔乃請以酒灌之。灌之數十斛。而惟物始消。係秦舊獄地。憂氣所結。故酒能消。

醒世錄卷二

武原居士徐昌治觀周

編輯

古今粟住持行元百癡

校閱

千佛篇

出時

據賢劫。一代分爲四時。一壞。二空。三成。四住。就此四中成劫已往。壞空未至。今在住劫。故有千佛出現。太約而言。三佛已往。今は第四釋尊遺法。此四時中。各分二十二小劫。總爲八十小劫。始爲一大水火劫。名爲賢劫也。依立世阿毗曇論云。十一劫是未來。八劫是過去。今釋迦

佛當第九劫內成佛。依藥王藥上經云。爾時釋迦牟尼佛告大衆言。我會往昔無數劫時於妙光佛末法之中。出家學道。聞是五十三佛名。合掌歡喜復教他人令得出家。聞持展轉相教。乃至三千人異口同音。一心敬禮。卽得超越無數億劫生死之罪。其千人者。華光爲首。下至毗舍浮佛。於莊嚴劫得成佛。過去千佛是也。此中千佛者。拘留孫佛爲首。下至樓至如來。於賢劫中次第成佛。後千佛者。日光如來爲首。下至須彌相佛。於星宿劫中。當得成佛。故知莊嚴劫。賢劫。星宿劫各有千佛出世。卽

知此劫亦是大阿僧祇劫。又藥王經中若善男子。善女人及餘一切衆生。聞是五十三佛名者。是人於百千萬億阿僧祇劫。不墮惡道。至今賢劫中四佛出世者。亦是阿僧祇劫。又阿毗曇論二十住劫中。過去八劫已有三佛出世。釋迦當現在第九劫出世。即以前九劫已有四佛出世。未來猶有十一劫焉。知不有多佛出世耶。

種族

第一維衛佛。第二式佛。第三隨葉佛。此三佛同是刹利王種。第四拘樓秦佛。第五拘那含牟尼佛。第六迦葉佛。

此三佛同是婆羅門種。第七釋迦牟尼佛是刹利王種道樹。

第一維衛佛得道爲佛時於波陀羅樹下。第二式佛得道爲佛時於分塗利樹下。第三隨葉佛得道爲佛時於菩薩羅樹下。第四拘樓秦佛得道爲佛時於斯利樹下。第五拘那含牟尼佛得道爲佛時於烏暫樹下。第六迦葉佛得道爲佛時於拘類樹下。第七釋迦牟尼佛時於阿沛多羅樹下。

會數

維衛佛前後三會說法。初會說經有十萬比丘皆得阿羅漢。第二會說經有九萬比丘皆得阿羅漢。第三會說經有八萬比丘皆得阿羅漢。式佛亦三會說法。初會說經有九萬比丘皆得阿羅漢。第二會說經有八萬比丘皆得阿羅漢。第三會說經有七萬比丘皆得阿羅漢。隨葉佛再會說法。初會說經有七萬比丘皆得阿羅漢。第二會說經有六萬比丘皆得阿羅漢。拘樓秦佛一會說經有四萬比丘皆得阿羅漢。拘那含牟尼佛一會說經有三萬比丘皆得阿羅漢。迦葉佛一會說經有二萬比丘。

丘。皆得阿羅漢。釋迦牟尼佛。一會說經。有千二百五十比丘。皆得阿羅漢。裝法師云。依如西域釋迦說法。總有三時。第一時中。爲諸聲聞說。有相法。爲破外道執令悟得道。第二時中。爲小行菩薩說。無相法。爲破聲聞令悟無相大乘。第三時中。爲大行菩薩。雙說有相無相法。爲破有相無相法令悟中道。究竟圓教。於此三時。一一隨機廣化無量。

因緣部業因

依千佛因緣經云。爾時天尊在王舍城者。闍崛山從石

室出。問菩薩言。今諸聲聞諸菩薩等。皆講何論。菩薩白言。天尊。諸菩薩衆。各各自說宿世因緣。時有跋陀婆羅菩薩白佛言。我於今日欲少諮問。願爲解說。說是語時。八萬四千諸菩薩等。各脫瓔珞。散佛供養。所散瓔珞。任佛頂上。如須彌山嚴顯可觀。有千化佛。坐山窟中。時諸菩薩白言。天尊。此賢劫。千佛過去世時。種何功德。常生一處。於一劫中。次第得菩提。化度衆生。爾時天尊告諸菩薩言。吾爲汝分別廣說。乃往過去無量百千萬阿僧祇劫。此世界名大莊嚴。劫名大寶。有佛名寶燈焰王。如

來佛壽半劫。正法化世。住於一劫。像法化世。住於二劫。於像法中。有一大王。名曰光德。十善化民。如轉輪王。過去無數阿僧祇劫。此娑婆世界。有一大國。名波羅奈。王名梵德。常以善法。化諸人民。以國付子。出家學道。得辟支佛。時千梵王。各以衣械盛諸妙華。至優曇林中。供養白佛說法。時辟支佛。躊躇虛空。化十八變。舒手現足。中有一梵王。名曰慧見。告餘梵言。我見辟支佛受持五戒。以戒齋法。當行十善。觀諸緣起。以此善根。迴向甚深阿耨菩提。時千梵王。命終之後。於娑婆世界。千四天下。

爲千轉輪王。壽命八萬四千歲。於先經中。聞過去佛號。栴檀莊嚴如來。彼佛爲說。甚深檀波羅蜜。不見施受。心行平等。時千聖王。各以國土。付其太子。出家學道。於雪山中。各立草菴。求無上道。卽獲五通。飛騰空虛。壽命一劫。時雪山中有大夜叉。身長四千里。利牙上出。高八十九里。面十二里。眼出迸血。光如融銅。左手持劍。右手持叉。住聖王前。高聲唱言。我今饑渴。無所飲食。惟王矜愍。施少飲食。時千聖王。告夜叉言。我等誓願。一切施與。各各以水澡夜叉手。授以仙果。而令食之。夜叉得果。怒棄置。

地告聖王言。我父夜叉。噉人精氣。我母羅刹。恒噉人心。飲人熱血。我今饑懥。唯須人心血。何用果爲。時有婆羅門。名牢度跋提。白夜叉言。唯願爲我說法。我今不惜心之與血。卽持利劍刺胸出血。是時天地大動。日無精光。無雲而雷。有五夜叉。從四方來。爭取分裂。競共食之。食已大呌。躍立空中。告于聖王。誰能行施如牢度跋提。如此行施。乃可成佛。時千聖王驚怖。生變悔心。各欲還國。不能燒。從是以後。復得值遇燈明王菩薩。爲其說法。從於一劫中。墮大地獄。雖墮地獄。菩提願力莊嚴。心故火。不能燒。

地獄出廣爲讚歎過去千佛。解脫稱莊嚴佛。乃至自在王佛時。千聖王聞千佛名。歡喜敬禮。以是因緣。超越九億那由他恒河沙劫生死之罪。

種姓部

如十二遊經云。阿僧祇時。有菩薩爲國王。其父母早喪。讓國與弟。捨行求道。遙見一婆羅門。姓瞿曇。因從學道。婆羅門言。當解王衣。如吾所服。受瞿曇姓。是菩薩受瞿曇姓。入於深山。食果飲水。坐禪念道。菩薩乞食。遂還國界。舉國吏民。無能識者。謂爲小瞿曇。菩薩於城外甘

蔗園中以爲精舍。於中獨坐。時有五百大賊。刦取官物。路由菩薩廬邊。明日捕賊。縱跡在菩薩舍下。因收菩薩。前後刦盜法。以木貫身。立爲尖標。血流於地。王使左右。弩弓射殺之。是大瞿曇。以天眼觀見。便以神足飛來。下棺斂之。取土中餘血。以泥團之。著二品中還其精舍。大瞿曇言。是道人若其志誠。天神當使血化爲人。却後十月。左卽成男。右卽成女。於是便姓瞿曇氏。一名舍夷。又菩薩本行經云。甘蔗王名大茅草。以王位付諸大臣。大衆圍繞送王出城。剃除鬚髮。服出家衣。王出家已持戒。

清淨專心勇猛。成就四禪。具足五通。得成王仙。壽命極長。至年衰老。諸弟子欲往東西求覓飲食。取好軟草。安置籠裏。用盛王仙。畏諸蟲獸來触。懸樹枝上。時諸弟子乞食去。後有一獵師遊行山野。遙見王仙。謂是白鳥。遂卽射之。王仙被射。有兩滴血。出墮於地。卽便命終。彼弟子乞食來還。見王仙被射。命終復見有血兩滴在地。卽集柴木。焚燒王屍。收骨爲塔。爾時彼地兩血。生出二童女。端正可喜。時諸弟子心念兩童是王仙種養護者。

視報諸大臣。卽灌其頂。立以爲王。時彼諸臣取甘蔗種。降胎部。現衰。

如因果經云。爾時善慧菩薩。功行滿足。位登十地。在一生補處。近一切種智。生兜率天。名聖善。爲諸天主。於十方國土。現種種身。爲諸衆生隨宜說法。期運將至。當下作佛。卽觀五事。一者觀諸衆生熟與未熟。二者觀時至與未至。三者觀國土何國處中。四者觀諸種族何族貴盛。五者觀過去因緣。誰最真正。應爲父母。仍於天官現五種相。令諸天子。皆悉覺知。菩薩期運應下作佛。一者

菩薩眼見瞬動。二者頭上華萎。三者衣受塵垢。四者腋下汗出。五者不樂本坐。諸天衆見菩薩有此異相。心大驚怖。爾時菩薩又現五瑞。一者放大光明。普照三千大千世界。二者大地十八相動。須彌海水諸天宮殿。皆悉震搖。三者諸魔宮宅。隱蔽不現。四者日月星辰無復光明。五者天下八部。皆悉震動不能自禁。是諸天見菩薩所。身已有五相。又覩外五現。希有事。皆悉聚集。到菩薩所能自安。願爲我釋此因緣。便答言。善男子。當知諸行皆

悉無常。我今不久捨此天宮。生閻浮提於時諸天聞此語已。悲號涕泣深歎無常。

觀機

如菩薩降胎。以四種觀人間。一觀時。二觀土地。三觀種姓。四觀生處。初觀時者。時有八種。佛出後。第一人壽八萬四千歲時。乃至第八人壽一百餘歲。第二觀土地者。諸佛常在中國生。多豐財寶。其土清淨。第三觀種姓者。佛生二種姓中。若刹利。若波羅門。刹利種勢力大。婆羅門種智慧大。第四觀生處者。何等母人能懷那羅延力。

菩薩亦能自護淨戒。又佛本行經云。爾時兜率天衆之中。有一天子。名曰金團。往昔以來。數曾下到閻浮提地補處。護明菩薩。告金團言。汝數下至閻浮提中。應知彼城邑聚落。諸王種族。當生何家。金團天子報言。三千大千世界。唯有一刹利。從本以來。至於大衆平量安立。世世轉輪聖王之種。乃至甘蔗苗裔以來。子孫相承。在彼迦毗羅婆蘓都釋種所生。其王名爲師子頰王。其子名爲輸頭檀王。一切世間天人之中。有大名稱。尊者堪爲彼王作子。護明菩薩報金團言。汝善觀察諸王家種。我亦

念在於此家生。此家有六十種功德。彼母有三十二種具足德行。堪受菩薩在胎。

呈祥

菩薩正念從兜率下託淨飯王第一大妃摩耶夫人右脇是時大妃於睡眠中夢見有一六牙白象其頭朱色七支柱地以金裝牙乘空而下入於右脇夫人夢已明日卽向淨飯王言時王宣勅喚入婆羅門占夢婆羅門自大王言夫人所夢其相甚善必生聖子彼於後時必成佛道時淨飯王聞占師說心大歡喜多以財施卽

於其國迦毗羅城四門之外并衢道頭街衢阡陌有人行處所須飲食財寶宅舍畜生皆悉與之時有一天名曰速往至諸地獄大聲唱言汝諸人輩當知菩薩從兜率天下入於母胎是故汝等速發誓願願生人間地獄衆生聞此語已往昔已來曾種善根各各面相覩見捨地獄身卽生人中所有三千大千世界諸衆生等皆來於此迦毗羅城四面託生

降胎

又念佛三昧經云菩薩欲降母胎時三千大千世界悉

皆六種震動。又因果經云。爾時菩薩欲降母胎。卽乘六牙白象。發兜率宮。無量諸天作諸娛樂。燒衆名香。散天妙華。隨菩薩滿虛空中。放大光明。普照十方。以四月八日。明星出時。降神母胎。於時摩耶夫人體安快樂。如服甘露。顧見自身。如日月照。心大歡喜。爾時兜率天衆。念言菩薩已生白淨王宮。我等亦當下生人間。菩薩成佛。我得在先。爲其眷屬聽法。作此念已。便卽下生。其數有九十九億諸天下生人間。又從他化自在天。乃至四天王。及色界天王。與其眷屬。亦皆下生。

出胎部迎后

如佛本行經云。爾時菩薩聖母摩耶懷孕菩薩。將滿十月。垂欲生時。時彼摩耶夫人父。善覺長者。卽遣使人詣淨飯王。所奏言。摩耶王大夫人懷藏聖胎。意欲迎還。安止住於嵐毗尼中。盡父子情。乞垂哀愍。遣放女來我家產訖。卽遣送還。時淨飯王聞善覺使作是言已。卽勅有司平治道路。具辦旛葦。種種音樂。僕從人物。送妃至家。感瑞。

如普曜經云。太子滿十月已。臨產之時。先現瑞應三十

有二疆場左右歎未曾有。

誕孕

如因果經云。菩薩處胎。垂滿十月。夫人欲入園遊觀。王勅後宮端正采女八萬四千用侍摩耶夫人。又擇入萬四千端正童女。賚侍香華。又勅諸群臣百官夫人。皆悉隨從。於是夫人卽升寶輦。與諸官屬及采女前後導從。往藍毗尼園。爾時四月八日。日初出時。夫人見後園中有一大樹。名曰無憂。華色香鮮。枝葉分布。極爲茂盛。卽舉右手欲牽摘之。菩薩漸漸從右脇而出。是時摩耶夫

人立地以手執波羅叉樹枝。卽生菩薩。

招福

如因果經云。太子生時。於時樹下亦生七寶七莖蓮華。大如車輪。菩薩卽便墮蓮華上。無扶侍者。自行七步。舉其右手。而師子吼云。我於一切天人之中。最尊最勝。無量生死。於今盡矣。說是語已。時四天王。卽以天繒接太子身。置寶機上。釋提桓因。手執寶蓋。大梵天王。侍立左。右難陀龍王。優波難陀龍王。於虛空中。吐清淨水。一溫一涼。灌太子身。身黃金色。三十二相。放大光明。普照三

千大千世界。

同應。

如瑞應經云。當爾之時。諸釋種姓。亦同一日生五百男。又奴名車匿。馬名捷陟。時王廄中。象生白子。馬生白駒。牛羊亦生五色羔犢。如是等類。數各五百。王子青衣。亦生五百倉頭。爾時宮中。五百伏藏。自然發出。有商人從海探寶而還。各賚奇珍奉貢。王因諸瑞吉祥。當名太子爲悉達。爾時四月八日生佛弟難陀。四月九日生阿難。四月十日生調達。

侍養部

依佛本經云。爾時太子旣誕生。適滿七日。其太子母摩耶夫人。遂便命終。往生忉利天上。時淨飯王見夫人命終之後。喚召釋種而告之言。今是童子。嬰孩失母。乳哺之寄。將付囑誰。教令養育。使得存活。誰能憐愍愛如己生。時有摩訶波闍波提。是童子姨母。堪能養育。淨飯王卽將太子付囑姨母。而告之言。善來夫人。如是童子。應當養育。善須護持。應令增長。

占相部

西世錄

卷二

三

如瑞應經云爾時白淨王訪五百聰明相師令占太子相師言是王之子乃是世間之眼猶如真金有諸相好極爲明淨若當出家成一切種智若在家者爲轉輪聖王領四天下第一之最又白王言有一梵仙名阿私陀具足五通在於香山能斷疑惑時王心自思惟香山途路嶮絕非人能到當以何方請來至此王作念時阿私陀仙騰空而來爲王相之王見來已抱太子出欲禮仙人時仙人止王曰此是天人三界中尊云何而令禮於我耶時彼仙人卽起合掌禮太子足忽然悲泣不能自明顯此人必成一切種智今觀大王太子諸相皆得其所又極明顯決定知成正覺

校量

佛阿毗曇經云。以一千阿僧祇世界衆生。所有功德成

佛一毛孔。如是成佛一毛孔功德。遍如來身毛孔功德。成佛一好。如是成就八十種好功德。增爲百倍。乃成如來身上一相。所成就三十二相功德。增爲千倍。乃成如來額上一白毫相。以一千毫相功德。增爲百倍。乃成如來一頂骨相。一切飛天所不能見頂。如是不思議清淨功德。成就佛身。是故如來於天人中。最爲尊勝。

遊學部 召師

如佛本行經云。時淨飯王以太子年已八歲。會百官群臣宰相而告之言。卿等當知誰堪爲太子作師。諸臣報

言。今有毗奢婆密多羅。善知諸論。最勝最妙。堪教太子。王卽召言。尊者大師。教我太子。密多報言。謹依王命。卽嚴五百釋種童子。前後左右。隨從太子。將升學堂。時彼大師遙見太子威德力故。從座忽起。屈身頂禮於太子足。太子問言。尊者教我何書。或復梵天所說之書。以至薩婆弗多書。凡有六十四種。未審欲教何書。是時密多聞太子說。内心歡喜。悅豫熙怡。曰。字爲言諦。言爲理筌。音義合符。不可偏失。是以文字應用。彌綸宇宙。雖跡係翰墨。而理契乎神。昔造書之主。凡有三人。長名曰梵。其

書右行。次曰佐盧。其書左行。少者蒼頡。其書下行。至於傍生入體。則有仙龍雲芝。二十四書。則有楷草鍼殳。然原本定義。則體脩六文。適時爲敏。則莫先隸法。東西之書。可得畧究。時淨飯王。復集群臣言。何處有師。最便武技。教我太子。諸臣報王。此處有釋名爲善覺。其子名屢提。提婆堪。教太子兵戎法式。其所解知。凡有二十九種。善巧妙術。入於學堂。從密多及提婆所。二大尊邊。受讀諸書。并一切兵戎雜術。經歷四年。至十二時。種種技能。遍皆涉歷。旣通達已。王爲太子造一園苑。名勤劬。太子

一日在勤劬園遨遊射戲。自餘五百諸禪種童子亦各在其自己園內遊戲。時有群鴈行飛虛空。是時童子提婆達多。彎弓而射。卽着一鴈。其鴈被射。帶箭墮悉達園中。時太子見彼鴈帶箭墮地。兩手捧取。左手擎持。右手拔箭。卽以酥蜜封其瘡。是時提婆達多遣使來語太子。言我射一鴈墮汝園中。宜速付來。時太子報使人言。鴈若命終。卽當還汝。若不死者。終不可得。提婆達多復更重遣使人語言。若死若活。快須相還。太子報言。我發菩提心。拏受此鴈。一切衆生皆來拏受。况復此鴈而不屬

我以是因緣競相聚集諸釋宿老智人。判決此事。是時有一淨居諸天變作老宿長者入會而言。誰養育者。即是。拘受。射着之者。即是放捨。彼諸釋宿老一時印可。高聲唱言如是。如仁者言。

拘力

未曾有。園中有七重金鼓銀鼓。鑰石銅鐵等鼓。各有七枚。提婆達多最先射之。徹三金鼓。次及難陀。亦徹三鼓。太子嫌弓弱。取庫內祖王一良弓。無能張者。太子在坐。以手拚弓。放一箭。徹過諸鼓。然後入地。泉水流出。又徹過大鐵圍山。又佛本行經云。是時太子所射之箭。向三十三天。天中建立箭節。常以諸香華供養此箭。又太子執箭一射。便穿七鐵猪。過七鐵猪已。彼箭入地。卽成一井。於今稱爲箭井。時淨飯王知太子所有技能。皆悉勝彼一切諸人。踴躍喜歡。勑喚白象。瓔珞莊飾。令太子乘。

是時提婆城外而入見此白象而問人言此象欲將何處其人報言欲將出城擬悉達乘提婆達多以姪妹故便以左手執於象鼻右手築額一下倒地塞彼城門衆人往來不通出入難陀相續而來問知事已卽以右手執彼象尾牽取離門可七步許太子問誰牽離門衆人言難陀太子言善哉難陀因思惟彼等二人雖能示現其氣力但此象身羸壯於後壞爛臭熏此城門以左手舉象以右手承重於空中擲置城外越七重牆度七重塹卽擲過離城可有一拘盧奢而象墮地卽成大坑至

今相傳爲象墮坑

納妃部 灌帶

太子年大。父王勅下餘國。却後二月八日灌太子頂。皆可來集立爲太子。

求婚

如佛本行經云。爾時太子漸向長成。至年十九時。淨飯王爲太子造三時殿。一者暖殿。第二涼殿。第三中殿。於後園廣造池臺。裁蒔華果。衆人作樂。隨時侍衛。淨飯王復憶太子初生之時。相師私陀記爲成道。作何方便令。

不出家。得紹王位。釋族報王。造此宮室。令諸采女娛樂。王復語釋種言。汝等當觀誰女。堪與太子爲妃。爾時五百釋種。各各唱言。我女堪爲作妃。王復籌量。以雜寶作無憂器。持與太子。令施諸女。密使觀察太子眼目。瞻矚在誰。卽聘作妃。王卽於迦毗城。振鐸唱言。從今七日來我太子欲見諸釋女。施與一切雜寶。種種玩弄無憂之器。爾時一切諸女。莊嚴其身。來集宮門。欲見太子。以太子威德大故。不敢正看。但取寶器。各各低頭。速疾而過。寶器盡已。最後一女。波私吒族。釋種大臣摩訶那摩。其

女名爲耶輸陀羅。前後侍從圍繞而來。遙見太子。巍巍注睛。舉其雅步。瞻觀直躬。目不斜窺。漸近前。趨來迎太子。如舊相識。卽白太子。可與我寶。太子報言。汝來旣遲。皆悉施盡。女復白言。我有何過。欺不與寶。太子答言。我不欺汝。但汝不及。是時大指邊。有一所著印環。價值百千。從指脫。與爾時大臣摩訶那摩。見太子一切技藝勝妙。智能最爲上首。而作是言。惟願太子受我女爲妃。爾時太子占良吉日。迎納耶輸陀羅。以諸瓔珞。莊嚴其身。又復共五百采女。相隨而往。迎取入宮。太子雖納爲妃。

然恒與妃行住坐臥。未曾有世俗之意。但修禪觀。諸女咸疑太子不男。太子以手指妃腹曰。却後六年。爾當生男。遂以有娠。又五夢經云。太子有三妃。一瞿夷。二耶輸。三鹿野。

疑謗

如智度論云。菩薩出家夜有人言。太子出家何得有娠。汙辱我門釋種。欲以火坑焚燒母子。耶輸自恨無事。立大誓言。我若邪行。其腹內見願母子隨火消化。發此願已。卽投火坑。於是火滅。母子俱存。火變蓮池。母處華座。

後生兒似菩薩身。名羅睺羅。臥息彼石。耶輸捉石擲著水中。遂立誓言。我所生兒實是太子體胤之息。是不虛者。今此大石在於水上。浮遊不沒。時彼大石遂卽浮泛如芭蕉葉。不沉不沒。於時大衆見聞。生希有心。

厭苦部 觀田

如佛本行經云。淨飯王。共多釋種。并將太子。出外野遊。觀看田種。時彼地內所有作人。赤體辛勤。而事耕墾。飛鳥喫蟲。共相殘害。卽復唱言。嗚呼嗚呼。世間衆生。極受諸苦。所謂生老病死。兼復受於種種苦惱。展轉其中。不

能得離。云何不求捨是諸苦。是時太子安祥曠盼處處經行。欲求寂靜。忽見一處有闔浮樹。翁欝扶疎。太子發遣左右。漸至樹下。卽於草上結跏趺坐。棄捨一切諸不善法。欲界漏盡。卽得初禪。一切諸天帝釋等見太子在樹蔭坐。飛來到太子所。禮敬說偈讚已還去。時淨飯王問言。太子今在何處。時一大臣遙見太子在彼闔浮樹陰之下。復見一切樹影悉移。唯闔浮蔭獨覆太子。有是希奇難思議事。卽大歡喜踴躍急疾奔馳。走詣王所。長跪依事說言。時淨飯王聞已。卽詣闔浮樹所。遙見太子

在彼樹間結跏趺坐。譬如黑夜視山頂頭。大聚火光出猛明燄。威德顯著。炳然巍巍。如重雲間。忽出明月。亦如暗室。然大淨燈。時王見已。生大希有奇特之心。歡喜踴躍。言太子有大威德。

出遊

如佛本行經云。爾時作瓶天子。欲令太子出向園林。觀看好惡。發取心故。漸教捨離。太子聞是聲已。卽喚取者。可速嚴飾。好車。今欲向園觀看。時淨飯王知太子欲出。勅宣迦毗羅城。一切内外。悉遣灑掃清淨。安羅香華。男

女莊嚴。或有老病死亡。六根不具者。悉令驅逐。是時馭者裝飾車乘。駕善調馬。太子從東門引導而出。是時作瓶天子於街衢前。正當太子變身化作一老弊人。太子見已。卽問馭者。此是何人。身體皺散。肉少皮寬。眼赤涕流。極大醜陋。獨爾鄙惡。不似餘人。爲生來然。爲老至。馭者言。此是老至。名爲大苦惱。爾時太子問馭者言。此人爲是一家。如是爲當。一切悉如斯。馭者報言。一切世間皆有是法。貴賤雖殊。皆未過老。太子言。若我不離是老。便厭捨五欲。唯作老苦之觀。後於異時辭王。從城南門。

出爾時作瓶天子。卽於太子前化作一病人。連骸困苦。命在須臾。臥糞穢中。宛轉呻喚。不能起舉。唱言叩頭。乞扶我坐。太子見已。問馭者言。此是何人。腹肚極大。喘息之時。身遍戰慄。悲切酸楚。不忍見聞。此人何故受如是苦。馭者奉報太子。四大不調。故爾病生。太子後於異時。從城西門出。時作瓶天子。於太子前化作一屍。臥在牀上。衆人舉行。無量姻親。圍繞哭泣。椎胸拍頭。涕泣如雨。大叫號慟。酸哽難聞。太子見之心懷惻惻。問馭者言。此是何人。舉行叫哭。馭者答言。已捨心意等諸根。屍骸無

識如木石。諸親號咷。暫圍繞。恩愛於此。長別離。太子復問。我亦有此死法否。報言。一切衆生此盡業。天人貴賤。平等均。雖處善惡。諸世間。無常至時。無有異。太子後於異時。從城北門出。爾時作瓶天子。以神通力。去車不遠。於太子前。化作一人。剃除鬚髮。着僧伽梨。褊袒右肩。手執錫杖。左掌擎鉢。在路而行。太子見已。問馭者言。此是何人在於我前。威儀整肅。行步徐庠。直視一尋。不觀左右。執心持行。不似餘人。馭者白太子言。此名出家之人。常行善法。遠離非法。善調諸根。善與無畏於諸衆生。慈

悲不行殺害。太子聞已。問馭者言。汝今將車向彼出家人邊。馭者承命。卽引太子向出家人所。太子諮詢。汝是何人。以偈報言。觀見世間是滅法。欲求無盡涅槃處。怨親已作平等心。世間不行欲等事。爾時太子爲敬法故。從車而下。徒步向彼出家人所。頭面頂禮。彼出家人。三匝圍繞。還上車坐。廻還宮中。於前三所逢生獸。惟欣第四出家。諸大相師。並知太子若不出家。過七日後。得轉輪聖王位。王四天下。七寶自至。各以所知。白淨飯王。王加守循四門。各千人。周匝城外。一踰闈那內。羅列人衆。

而防護之。

出家部 離俗

如因果經云。爾時太子心自念。我年已至十九。今是二月。復是七日。思求出家。今正是時。作此念已。身放光明。照四天王宮。乃至淨居天宮。諸天見此光已。皆知太子出家時到。卽便來下。到太子所。頭面禮足。合掌白言。無量劫來。所修行願。今正成熟。太子答言。如汝等語。然父王勅内外官屬嚴見防衛。欲去無從。諸天白言。我等自當設諸方便。令太子出。使無知者。時耶輸陀羅眠臥之。

中得三大夢。一者夢月墮地。二者夢牙齒落。二者夢失右臂。得此夢已。眼中驚覺。心大怖懼。白太子已。具述三夢。太子言。月猶在天。齒又不落。臂復尙在。當知諸夢虛假不實。汝今不應橫生怖畏。又彼本起經云。諸天皆言。太子當去。恐作稽留。急去遠。此大火之聚。爾時太子思如是已。至於後夜。淨居天王。及欲界諸天。充滿虛空。卽共同聲白太子言。内外眷屬。皆悉昏臥。今者正是出家之時。爾時太子卽自往至車匿。所以天力故。車匿自覺而語之言。汝可爲我牽捷陟來。車匿聞語已。舉身戰怖。

心懷猶豫。夜中索馬。欲何所之。太子復語車匿言。我今欲爲一切衆生。降伏煩惱。結賊故。汝今不應違我此意。爾時車匿舉聲號泣。欲令耶輸陀羅及諸眷屬皆悉知覺。太子當去。以天神力昏臥如故。車匿卽便牽馬而來。於是諸天捧馬四足。并接車匿。釋提桓因執蓋隨從。天卽便令北門自然而開。不使有聲。太子於是從門而出。虛空諸天歌讚隨從。至於天曉。行至彼跋伽仙人苦行林中。卽便下馬撫背而言。所難爲事。汝作已畢。又語車匿。唯汝一人。獨能隨我。甚爲希有。我今旣已至閑靜處。

汝便可與捷陟俱還宮也。車匿聞此語已。悲號啼泣。迷悶躰地。於是捷陟屈膝舐足。淚落如雨。太子答言。世間之法。獨生獨死。豈復有伴。我今爲滅諸苦使。故來至此。諸苦斷時。然後當與一切衆生作伴侶。於是脫頭寶冠。與車匿報大王而說偈言。假使恩愛久共處。時至會必有別離。見此無常須臾間。是故我今求解脫。

剃髮具服

佛本行經云。爾時太子從車匿索取寶刀。割取髮髻。有一華鬚。名須曼那。化作淨髮人。與太子淨髮。旣剃髮已。

淨居天復化作獵師之形。身着袈裟染色之衣。語言我與汝迦尸迦衣價值百千億金復爲種種栴檀香等之所薰修菩薩見已生大歡喜爾時菩薩剃髮身得袈裟已形容改變便放大光下至闇浮化成二寶塔具衆莊使還

莊嚴

又普曜經云於是菩薩適出城門迦維羅衛一切群衆知太子去共談而喜瞿夷明日從寐起已遙聞衆言覺知已去與耶輸心爲破裂淨飯王感絕自投於地舉聲稱怨永絕我望何所依怙國中樹木尋時虧落無諸華實諸清淨地悉生塵垢王與群臣眷屬行至園觀亦懷悲苦嗚呼阿子明曉經典衆奇異術無不博達今至棄國萬民爲何所遊誰爲開門其諸天人供養云何車匿白王我在常處宴然寐牀城門已閉於時菩薩告我被馬城中萬民皆安不聞天帝開門四天王告勅四神捧其馬足諸百千天帝釋梵以侍送之嚴治道路演大光明散光燒香諸天伎樂同時俱作漏在虛空諸圍繞以侍送之去是極遠脫衣寶瓔及白馬還我還國啟王謝妃必至成佛乃還相見勿令愁憂

如佛本行經云。淨飯王使二人向山諫太子廻。念吾年
朽。家國無嗣。何時能還。太子答言。欲得四願。不復出家。
一不老。二無病。三不死。四不別。神仙五通。雖住一劫。不
離於死。王聞重悲。斯四願者。古今無獲。誰能除此。

不

又毗尼母經云。佛告諸人。此髮不可故衣。故器盛之。當用新物。時有王子瞿波離將軍欲往四方有所征伐。來索世尊髮。問安處。佛言聽安金塔中。若銀塔中。若寶塔頭上。肩上擔。時王子持世尊髮去。所往征伐得勝還國。爲世尊起髮塔。

成道部

如四分律云。爾時菩薩漸漸遊行至婆羅閱城乞食時。摩竭王在高樓上見菩薩行步庠序。卽遣信問比丘欲何所詣。可於此住居。王位治化我當爲臣。菩薩答言。我捨轉輪王出家學道。豈可於此邊國王位而處俗耶。時王前白言。若成無上道者。先詣羅閱城與我相見。菩薩

報言可爾。爾時王卽禮菩薩足，繞三匝而去。又佛本行經云。菩薩爲摩伽陀國王說云。大王。我等今實不畏彼毒蛇。亦復不畏天雷霹靂。亦復不畏猛火煩。被大風吹燒野澤者。但畏五欲境界所逼。何以故。五欲無常害功德。六塵空幻。損衆生。世間果報本証人。智者誰能暫停。

苦行

爾時菩薩於鹿林，在五拘隣比丘所學于苦行。經於六年極生辛苦過其本師。以自餓故。而不得道。徒勞疲形。日食一胡麻。經一七日。秞米紅豆麻子栗糜。及以白豆。

亦復如是。各一七日。如是修苦行時。一切皮肉銷瘦。皺減其目坎陷。肉盡肋出。欲坐則伏。欲起則偃。雖受如是無利益。苦然不退菩提之心。

乳糜

又述灌帶部內。時有四天王子。告律師云。世尊初成道第十一。年於王舍城中。須摩長者園內。告諸天大菩薩。及大弟子曰。我初踰城時。至彼洴沙國路。逢牧牛女。我語云。我有少饑渴。從汝乞飲食。彼女答云。汝何所往。答云求趣菩提。又問名字何等。答言悉達。彼女又白言。我

讀帝陀之典云。不久有大智人。當成正覺。我觀仁者相貌。音聲是諸佛相。我作此山神經十六大劫。過去諸佛。我皆親覲。汝可隨我。往至住處。當與汝飲食。過去迦葉佛涅槃時。付我一澡罐。其頂上有雙龍繞下。有獅子蹲拘留佛所製。遞相付我。迄至樓至佛。此龍瓶內。具足有入功德水。汝若饑渴。當飲此水。能消煩惱。增長菩提。勿輕此小瓶。假使四大海水。內此瓶中。猶不能滿。中有龍王。此賢劫初三佛出世。所有遺法。多在瓶內。與婆竭龍宮。一無有二。又迦葉佛付我香爐。及一黃金函。將付仁

者。其香爐前有十六頭。半是獅子。半是白象。於二獸頭上。別起蓮花臺。四緣別起六銀樓。樓出天童。每燒香時。是諸童子。各各口出燒香歌曲。臺門自開。又黃金函內。盛大般若。合三十億偈。黃金爲經牒。白玉爲界道。白銀爲字。此函及爐。是拘留佛所製。次第付我。乃至樓至佛。諸佛欲興世。皆開此金函。披閱經典。以般若力。天魔不憚。速登正覺。今將付囑。努力守護。勿令損失。我受得已。於菩提樹下六年苦行。常飲此瓶水。故除饑渴。煩惱亦消也。又我初欲成道。入河洗澡。受二女乳糜。至菩提樹

下欲昇金剛壇。山神至我所。卽告我言。汝今成道可依
往佛。若初成道。欲昇金剛壇。繞樹合三十二匝。十方諸
佛亦前授香。次命人王。天王。釋梵。龍王。十地菩薩。各前
授香。佛以威神。香聞十方。上至有頂。受苦衆生。聞香解
脫。諸根具足。

草坐

佛本行經云。爾時菩薩於河澡浴。食乳糜。沐身體。光儀平復。自在安詳。面向菩提樹。思作何座。左右四顧。是時忉利天帝釋天王。卽化其身。爲刈草人。刈取其草。方將擣

顏色。猶如孔雀王項。柔軟滑澤。如微細迦尸衣。色妙而
香。右旋宛轉。菩薩問彼人言。汝名字何。彼人報言。我名
吉利。菩薩思惟。我今欲求自身吉利。亦爲他人以求吉
利。我今決當得證阿耨菩提。當取草時。其地便六種震
動。又觀佛三昧經云。適施草座。諸佛化作八萬佛樹。師
子之座。有天衣布其上。

降魔

又雜寶藏經云。如來樹下。惡魔波旬。將八十億衆。欲來壞佛。便語佛云。汝獨一身。何能坐此。急可起去。若不起

者我捉汝脚。擲看海水。佛言。我觀世間無能擲我。汝於前世時。曾於一寺受一日入戒。施辟支佛一鉢之飯。故生六天。爲大魔王。而我於三阿僧祇劫。亦設供養。聲聞緣覺不可計數。魔言。汝道我昔一日持戒。施辟支佛。食信有其實。我亦自知。汝亦知我。汝自道者。誰爲證知。佛以手指地言。此地證我作是語時。一切大地六種震動。地神卽從金剛際出。合掌曰。佛言。我爲作證。有此地來。我恒在中。世尊所說其實不虛。佛語波旬。汝今先能動此澡瓶。然後可能擲我海水爾。時波旬及八十億衆。不

能得動。魔王軍衆。顛倒自墜。破壞星散。

說法部 赴機

依彌沙塞律云。佛得道七日。受解脫樂。有五百乘車。載奉蜜妙。四王奉鉢。佛受之已。爲說三歸。又更七日。文鱗龍王奉非人食。後過七日。斯那奉食。姊妹四人。受三歸。依復過七日。梵王來請轉法輪。又普曜經云。時梵王與六萬八千梵王眷屬。來詣佛所。稽首足下。請轉法輪。佛受請已。言我宿命。在波羅奈。供養六百億佛。應在此轉法輪。又中本起經云。世尊念言。吾昔路由梵志。阿蘭迦

蘭。待我有禮應往度之。天空中曰。此二人已亡七日。又念應度鬱頭藍弗。天復告云。昨日命終。又念父王昔遣五人。一名拘隣。二名頗陞。三名跋提。四名十力迦葉。五名摩訶男。執侍功勤。應往度之。又轉法輪經云。佛在鹿野樹下。時空中有自然法輪飛來。當佛前而轉。佛以手撫之。止。吾無始來爲名色。轉今愛意盡。不復流轉。輪卽便住。又十二遊經云。佛從四月八日至七月十五日。坐樹下爲一年。二年於鹿野園中爲五人說法。三年爲鬱頭迦葉兄弟三人說法。滿千比丘。四年在蒙頭山爲龍。

鬼說法。五年時度舍利目連。舍利七日得上果。目連十五日得上果。六年須達共祇陀爲佛立精舍。有十二佛圖。寺有七十二講堂。有三千六百間屋。有五百樓閣。七年在拘耶尼園。爲婆陀和菩薩等八人說般若經。明苦行事。八年在柳山。爲屯真陀羅王弟說法。九年在穢澤中。爲阿掘摩說法。十年逕摩竭國。爲弗沙王說法。十一年在恐懼樹下。爲彌勒說本起經。卽修行本。十二年還父王國。爲釋氏八萬四千人說法。又大集經云。佛成道十六年。於欲色界中間。出大寶階。大衆俱登中階。卽上

昇虛空。又分別功德。經云。二十五年。比在諸國。此住最久。以其中多諸珍異。人多有義祇樹精。舍有神異。驗衆集之時。獮猴飛鳥。群類數千。悉來聽法。寂寥無聲。事竟卽去。各還所止。捷椎適鳴。已復來集。此由國多仁慈。故異類影附。故智度論云。舍衛城有九億家。三億明見佛。三億信而不見。三億不見不聞。又薩婆多論云。佛以二月八日。沸星現時。初成等正覺。亦以二月八日。沸星出時。生以八月八日。沸星出時。轉法輪。以八月八日。沸星出時。取般涅槃。

涅槃部

弟子

依智度論云。長老大迦葉。於耆闍崛山集三藏。可度衆生。竟隨佛入般涅槃。清朝持鉢。入王舍城。乞食已。上耆闍崛山。語諸弟子。我今日入無餘涅槃。一切諸人。聞是語已。皆大愁憂。迦葉晡時。從禪定起。入衆中坐。讚說無常苦空無我。如是種種說法已。從佛所得。僧迦梨。持衣鉢。提杖。如金翅鳥。現昇虛空。作十八變。

結集部

此中廣明結集。具有四時。第一依智度金剛仙王論。如

來在此鐵圍山外。共文殊師利及十方佛結集大乘法藏。第二依菩薩處胎經及四分律等。如來初入涅槃。始經七日。大迦葉共五百羅漢。令到十方世界。召得八千衆。共爲集三藏。第三依智度論。如來入涅槃後。至夏安居。初十五日。大迦葉共千羅漢。在王舍城結集三藏。第四依四分律。如來入涅槃後。一百年內。爲跋闍子擅行十事。大迦葉共七百羅漢。在毗舍離城結集三藏。

大乘結集

依大智度論。金剛仙論云。文殊師利結集中。明如來在

此世界之外。不至他方世界。十方諸佛。並皆雲集說法。亦名詣經。文殊後結集。召諸菩薩及大羅漢。無量無邊各言某經。我從佛聞。須菩提言。金剛般若。我從佛聞。諸經當部各有弟子。同時聞者。並云。我親從佛聞。故知阿難則遍聞諸經。餘之弟子。則偏局當部。故維摩經云。舍利弗。問天女曰。汝於三乘。當何志求。天女曰。若以小乘法化。我作聲聞。若以中乘法化。我作緣覺。若以大乘法化。我作菩薩。

五百結集

依菩薩處胎經云。爾時佛取滅度已經七日七夜。時大迦葉告五百阿羅漢打犍椎集衆。卿五百人盡詣十方諸佛世界。諸有得阿羅漢六通者。盡集此間浮提雙樹間。釋迦牟尼佛今已捨壽起七寶塔。今集欲得演出真性法身汝等速集。聽采微妙之言。爾時五百羅漢受大迦葉教。卽到十方恒河沙刹土集諸羅漢。得八萬八千衆來集。恐界聽受法言。又僧祇律云。時大迦葉語諸比丘。結集法藏應住王舍城令阿那律守佛舍利勿使諸天將去。又菩薩處胎經云。爾時迦葉見衆集已。語優婆塞。卿爲維那唱阿難下。卽受教唱下。阿難心意荒亂。內自念言。佛滅度未久。恥我乃爾。卽自思唯。四諦法已。便於衆前成阿羅漢。諸塵垢滅。朗然大悟。聖衆稱善。諸天歌嘆。爾時大地六反震動。時大迦葉。卽使阿難升七寶高座。迦葉告言。佛所說法一言一字。汝勿使有缺漏。菩薩藏者。集着一處。聲聞藏者。集着一處。戒律藏者。集着一處。爾時阿難最初出經胎化藏爲第一。中陰藏第二。摩訶衍方等藏第三。戒律藏第四。十住菩薩藏第五。雜藏第六。金剛藏第七。佛藏第八。是爲釋迦文佛經法。

千人結集

大迦葉言。若我昔常乞食者。常有外道強來難問。廢闕法事。令王舍城常設飯食供給千人。告語闍王。給我等食。日日送來。是中夏安居三月十五日說戒時。復語阿難。汝今應隨佛心憐愍衆生故。集佛法藏。是時阿難一心合掌。向佛涅槃處作如是言。佛初說法時。爾時我不見。如是轉展聞佛在波羅奈。佛爲五比丘。初開甘露門。說真四諦法。苦集滅道諦。阿若憍陳如。最初得見道。及八萬諸天。是得見道是千阿羅漢。聞是語已。上昇虛

空高七羅多樹。皆眼見佛法。

七百結集

四分律云。爾時世尊般涅槃後百歲。毗舍離跋闍子比丘。行十事言。非法。非毗尼。非佛所教已。皆下舍羅。在毗舍離七百阿羅漢。集論法毗尼。依道宣律師感應記云。律師問天人曰。世尊涅槃後。結集法藏儀式云何。天人答曰。惟大聖隱顯。隨機生滅。三藏遺迹。結集是因。衆集多少。律論不等。如律中五百七百。皆遵大迦葉。最爲衆首。如大論中。高選千人。皆同無學。至結集已。召外衆集。

重叙所結。有不同者。分爲二部。依遵迦葉名上座部。餘外衆多。名大衆部。依文殊問經。初分二部。卽其事也。通約大小三藏。皆阿難出其住處。同集王舍城。然據文殊集衆。畧結大乘。卽在大鐵圍山外。二界中間。阿難升高座。披佛布僧迦梨。先誦遺教經。如佛在世。約勑之相。時大菩薩阿羅漢。一切比丘。天龍八部。聞皆悲泣。不能自勝。爾時大迦葉。卽從座起。着布僧迦梨。手執尼師壇。至高座前。敷坐具禮。阿難已右繞三匝而立。時大梵天王持七寶蓋。覆阿難上。時天帝釋進七寶案。置阿難前。羅

曇阿修羅王。各執七寶香爐。在阿難前。阿難受已。置寶案上。他化天王。進七寶几。在寶案後。時魔王波旬。持七寶拂。授與阿難。仍與帝釋夾侍兩邊。四天王各侍高座。四脚三十二使者。在迦葉後。各各呈恭。胡跪敬聽。時大迦葉禮阿難已。又繞三匝。至前問訊。如佛無異。然後問緣。一一依經始從如是。乃至末後歡喜奉行。爾時迦葉重問曰。我過去諸佛。修多羅中。一一分部說。汝恒至佛邊。當有教勅。阿難答曰。我受世尊教。末世衆生煩惱垢重。不能解我教法。不得部類出之。汝當分別說也。或十

章五章隨意而安置令鈍根者易解我法天問如來在世時教勑優波離及我大迦葉入堂東寶樓觀古佛毗尼及不同相我欲結集爲依古佛說爲依今世尊教耶答曰我從世尊聞以語大迦葉若結集毗尼當分五部相往古諸佛所說毗尼一相無二今衆生薄福故說多部我滅度後無智愚人分我教網以爲五部十八部乃至五百部雖味薄淡仍是我正法世尊涅槃竟將往戒壇南華林外安置九十日待迦葉結集竟最初於藁本寫出三藏教次令阿闍世王又寫出五本用黃金印及

白銀印印迦葉初本及闍王寫者用七寶印印迦葉藁本次以七寶印印魔王寫者梵王寫三本用白銀印帝釋寫七本用黃金印娑竭龍王寫八萬經本者俱三色印總以印定之令流布闍浮提及三天下世尊所造塔及白銀觀付文殊師利普賢觀音將此觀塔周遍大千界一國留一觀及一金塔如震旦爾時文殊將塔觀往清涼山金剛窟安置至今流行又問一切修多羅藏既結集已當安何國付囑何王今欲結集當爲廣結畧結請次第說之答曰我聞世尊說付囑大迦葉當令廣集

又付文殊。往大鐵圍山諸菩薩等住處九地有八萬人。當令畧集。付囑阿闍世寫我遺教。迦葉結集本安置修羅窟中。又問世尊在時。我從佛聞。若結集竟。將三藏教付囑娑竭龍王。今聞汝說。與昔聞異。答曰。我聞世尊說。結集三藏。在修羅窟中。經二十年中。待文殊結竟。方付娑竭龍王。又問祇桓精舍有諸古佛。及以三藏陰陽書。及供養具。當付何人。答曰。此事因緣。並在祇桓圖經說之。各有付處。不煩此述。又問云何二部教。答曰。四分十誦律。四十年後一百一十年。迦葉遺律。方行前國。如震槃後。娑竭龍王。收將入宮供養。

感應緣

後漢明帝時。雒陽白馬寺。有攝摩騰。本中天竺人。善風儀。解大小乘經。常遊化爲任。至漢永平三年中。明皇帝夜夢金人飛空而至。乃大集群臣以占所夢。通人傅毅奉答。臣聞西域有神。其名曰佛。陛下所夢將必是乎。帝以爲然。卽遣中郎蔡愔。博士弟子秦景等使往天竺。尋訪佛法。愔等於彼遇見摩騰。乃邀還漢地。騰誓志弘通。不憚疲苦。冒涉流沙。至乎雒邑。明帝甚加賞接。於城西門外。別立精舍以處之。名馬寺。傳云。外國國王當毀破諸寺。唯招提寺未及毀壞。夜有一白馬達塔悲鳴。王卽停壞諸寺。因改招提以爲白馬。又白馬寺有竺法蘭。是中天竺人。自言誦經論數萬章。爲天竺學者之師。時蔡愔旣至彼國。蘭與摩騰共契遊化。遂相隨而來。同止少時。便善漢言。愔於西域獲經。卽爲翻譯。所謂十地斷結。佛本行。四十二章經等五部。漢地諸經之始也。

昔漢武帝穿昆明池底。得黑灰。以問東方朔。朔云不經。終盡。刲火洞燒。此灰是也。

可問西域胡僧。後法蘭旣至。衆人追以問之。蘭云。世界

卷之三

卷二

三

案周書異記云。周昭王卽位二十四年甲寅歲四月八日。江河泉池忽然沉漲。井水溢出。山川震動。有五色光入貫太微。遍於西方。盡作青紅色。太史蘇由奏曰。有大聖人生於西方。一千年外。聲教及此。昭王卽勅鑄石記之。埋於南郊天祠前。此卽佛生之時也。相國呂侯乘驛八駿而行求佛。因以禳之。

周穆王五十三年壬申歲二月十五日平旦暴風忽起損舍折木地動天陰西方白虹十二道太史扈多曰西方聖人滅矣此卽佛入涅槃之相也

醒世錄卷三

烏鵲

武原居士徐昌治觀周
古金粟住持行元百癡
編輯
校閱

校閱

敬佛篇 念佛部

觀佛三昧經云。佛有三十二相。八十種好。身真金色。光明無量。時座下有五百釋子。以罪障故。見佛色身。猶如灰色。羸婆羅門見已。號哭。自拔頭髮。舉手投地。鼻中血出。佛安慰曰。汝弗號哭。吾爲汝說。過去有佛。名毗婆尸。入涅槃後。於像法中。有一長者。名日月德。有五百弟子。

聰明多智無不貫練。其父長者信敬三寶。嘗爲諸子說佛法義。諸子邪見都無信心。後時諸子同遇重病。父到兒前。泣淚合掌語諸子言。汝等邪見不信佛法。今無常刀割切汝身爲何所佑。有佛毗婆尸汝可稱名。諸子聞已。敬父言故稱南無佛。復教稱法。及稱僧。稱已命終。由稱佛故生四天王天。天上壽盡。以前邪見還墮地獄。獄卒羅刹以熱鐵叉刺壞其眼。受是苦時。憶父教稱念佛因緣。從地獄出來。生人中貧窮下賤。後時佛出。亦得值。遇。但聞佛名。不覩佛形。後隨葉佛。拘樓秦佛。拘那含佛。

迦葉佛亦皆聞名。不見其形。以聞如是六佛名故。今得同生釋種。我身端嚴。如闍浮金。汝見灰色。羸婆羅門。皆由前世邪見故爾。汝今懺悔。見佛金色。如須彌山。見已白佛。我今見佛三十二相。八十種好。無量光明。

觀佛部

又觀佛三昧經云。昔過去久遠無量世時。有佛出世。號寶威德上王。時有比丘與九弟子。往諸佛塔禮拜佛像。見一寶像。嚴顯可觀。諦視讚嘆。後時命終。悉生東方寶威德上王佛國。大蓮華中結跏趺坐。忽然化生。從此已

後恒得值佛於諸佛所。淨修梵行。得念佛三昧海。得三昧已。佛爲授記。於十方。各得成佛。又過去久遠。有佛出世。號曰空王。入涅槃後。有四比丘。同學習佛正法。煩惱覆心。不能堅持佛法。當墮惡道。空中有聲。語比丘言。空王如來。雖復涅槃。汝所犯無救。汝等今可入塔觀像。與佛在世時等無有異。聞空中聲已。入塔觀像。念言如來在世。光明色身。與此何異。佛大人相。願除我罪。作是語已。五體投地。懺悔諸罪。後八十億阿僧祇劫。不墮惡道。生生嘗見十方諸佛於諸佛所。受持甚深念佛三昧。

得悉成佛。又迦葉經云。昔過去久遠阿僧祇劫。有佛出世。號曰光明。入涅槃後。有一國王子。名大精進。年始十六。婆羅門種。端正無比。有一比丘。於白氍毹上。畫佛形像。持與精進。精進出家。持像入山。在畫像前。結跏趺坐。一心諦觀此畫像。不異如來。一切諸法。亦復如是。經於日夜。成就五通。具足無量。得普光三昧。具大光明。以淨天眼見於東方阿僧祇佛。以淨天耳聞佛所說。悉能聽受。一切諸天。散花供養。從山而出。來至村落。爲人說法。二萬衆生。發菩提心。無量阿僧祇人。住於聲聞緣覺功德。

父母親屬住不退無上菩提

感應緣十騷

西晉愍帝建興元年吳郡吳縣松江滬瀆口漁者遙見海中有二人現浮遊水上漁人疑爲海神延巫祝備牲牢以迎之風濤彌盛有奉佛居士朱膺聞之嘆曰將非大覺之垂降乎乃潔齋共東靈寺帛尼及信佛者數人至瀆口稽首迎之風波遂靜浮江二人隨潮入浦漸近漸明乃知石像將欲奉接人力未展聊試擎之飄然而起便舉還通玄寺石像背銘一名維衛二名迦葉

東晉成帝咸和年中丹陽尹高悝往還市闕每張候橋浦有異光現乃使尋之獲金像一軀西域古製足趺並闕悝下車載像至長干巷口牛不復行悝止御者任牛所往遂徑赴長干寺因安置之像於中宵放金光歲餘臨海縣漁人張係世於海上見銅蓮華趺丹光遊泛乃馳舟接取送安像足恰然符合久之有西域五僧振錫詣悝云昔遊天竺得阿育王像至鄴遭亂藏於河濱王路既通尋覓失所近感夢云吾出江東爲高悝所得在阿育王寺故遠來相投欲一禮拜悝引至寺五僧見像

歔欷涕泣。像爲放光。

東晉周玘。義興陽羨人。晉平西將軍處之第二子也。位至吳興太守。家世奉佛。其女尤精進。家僮捕漁。忽見金光溢川。映流而上。當卽下網。得一金像。高三尺許。形相嚴明。浮水而住。牽排不動。馳往白玘。玘告女。乃以人船送女。往迎。手挽卽得上船。在家供養。女夕夢佛左膝痛。覺看像膝。果有穿處。便截金釵以補之。玘女後適張澄。將像自隨。及病卒。內外咸見紫雲下迎。上昇虛空。

東晉名臣陶侃。字士行。建旗南海。有漁人每夕見海濱

光。因以白侃遣尋。俄見金像凌波而趣船側。檢其銘勒。乃阿育王所造文殊師利菩薩也。昔傳云。育王旣統此洲。學鬼王制獄。酷毒尤甚。文殊現處鏤中。火熾水清。生青蓮華。王心感悟。卽日毀獄。造八萬四千塔。建立形像。此其一也。初。侃未能深信因果。旣嘉此瑞。遂大尊重。乃送武昌寒溪寺。沙門慧遠敬服威儀。迎入廬岫。隋末。賊發。衆僧四散。有一老僧。依瑞像住。於時賊寇擾江州。執僧索金。僧曰無可得。乃以火炙。僧曰徒受炙死。穢冕伽藍。何如寺外。賊將出。欲煞僧。曰行年七十。不負佛教。待

正念已。申頸時可下刀。賊然之。見申頸受刀。卽便下斫。刀反刺賊心。刃出於背。群賊奔怕。東走至遠師墓。於時天氣清朗。忽有雲如蓋。雷電四繞。遂震霹。賊死六人。由是賊徒不敢入山。

魏天平中。定州募士孫敬德。防於北陲。造觀音金像。年滿將還。嘗如禮事。後爲劫賊引。禁於京獄。不勝拷掠。遂妄承罪。並斷死刑。明日行決。其夜禮拜懺悔。淚下如雨。少時依稀如夢。見一沙門。教誦觀世音救生經。經有佛名。令誦千遍。得度苦難。敬德歎覺。起坐緣之。了無叅錯。

比至平明。已滿九百。有司執縛向市。且行且誦。臨欲加刑。誦滿千遍。執刀下斫。刀折三段。不損皮肉。易刀又斫。凡經三擣。刀折如初。監當官人莫不驚異。具狀聞奏。丞相高歡表請其事。遂得免死。勅寫此經傳之所謂高王觀世音是也。敬德放還。設齋報願。出行訪像。乃見項上有三刀痕。

宋元嘉中。江陵支江張妹僧定。幼而奉法。志欲出家。嘗供養小形金像。而父母逼嫁。見誓志不行。遂密許邴氏。及羔鴈旣至。女悲呼不就。燒香伏地取死。此像遂放金

光彌晃一村。父兄驚其通感止不嫁之。張邴二門。因大敬信僧定。令之出家。宋丞相南郡王鎮陝。乃以其居建精舍。

齊徐州刺史王仲德。於彭城宋王寺造丈八金像。相好嚴華。時流汗則難起。那人常以候之。齊建元初。像復流汗。其冬魏寇淮上。時兗州數郡起義。南附鳩畧甚衆。亦驅迫沙門助其戰守。魏軍屠其營壘。悉欲夷滅。表奏魏臺。誣以助亂。須及斬決。時像大汗。殿地流濕。魏徐州刺史梁王奉法勤勤。至寺親使人以巾帛拭。隨出不已。至

數十人。交手競拭。猶不能止。王乃燒香拜禮。執巾呪曰。衆僧無罪。誓自營護。必不羅禍。若幽城有感。當隨拭卽止。言已。自拭果應手而燥。王具事奏聞。下詔原宥。

梁祖武帝以天監元年正月八日夢檀像入國。因遣決勝將軍郝騫謝文華等八十人往達祈請。舍衛王曰。此中天正像。不可適邊。乃令三十二匠更冠紫檀人圖一相。卯時運手。至午便就相好。具足而像頂放光。降微細雨。并有異香。普爲衆生利益。騫等負像行數萬里。備歷艱關。又度大海。冒涉風波。隨浪至山。糧食又盡。所將人

衆及傳送者身多亡歿。逢諸猛獸一心念佛乃聞像後有鐘聲岩側有僧端坐樹下。騫登負像下置其前。僧起禮像騫等禮僧。僧授澡灌令食並得飽滿。僧曰此像名三藐三佛陀。金毗羅王自從至彼大作佛事語頃失之。至天鑒十年四月五日騫等達於楊都。帝與百僚徒行四十里迎還太極殿。建齋度人大赦斷然。但是丐刀稍等並作蓮花塔頭。帝由此蔬食絕欲。

隋開皇中。蔣州興皇寺佛殿被焚。當陽丈六金銅大像并二菩薩。正當棟下。於時焰火大盛。衆人拱手嗟悼大

像融滅。忽見歎起移南一步。棟梁摧下。像得全形。四面甄木炭等皆去。像身五六尺許。雖被火焚而金色不變。大眾咸駭。今移在白馬寺。鳥雀無踐。至唐永徽二年。盜者欲利像銅。乃鋸窓櫺斷。將欲拔出。遂被壓腕求拔不得脫。至曉僧問盜者云。有一人着白衣。在堂內撮手求脫不得。

隋時凝觀寺僧法慶。開皇三年造夾紵釋迦立像。高丈六。功未畢。慶遂卒。其日又有寶昌寺僧大智死。經三日而便甦活。遂向寺僧說云。於閻羅王前見僧法慶甚有

憂色。少時之間。又見像來王前。王遽走下階。合掌禮拜。此像謂王曰。法慶造我功未畢。柰何令死。王自顧問一人曰。法慶合死未。答曰。命未合終。而食料已盡。王曰。可給荷葉。令終其福業也。大智甫說。令於凝觀寺看之。須臾之間。遂見法慶甦活。法慶甦後。嘗食荷葉。以爲佳味。及噉餘食。終不得下。像成之後。數年乃卒。

唐乾封二年。西明寺道宣律師在京師城南淨業寺修道。忽有一天來至問答。復有天來云。弟子迦葉佛時生在初天。在常將軍下。諸天貪欲所醉。弟子以宿願力不

交。天欲清淨梵行。偏敬毗尼。常將軍童真梵行。不受天欲。一王之下。有八將軍。四王三十二將。周四天下。往還護助諸出家人。四天下中。北天一洲。少有佛法。餘三天一下。佛法大弘。然出家之人多犯禁戒。少有如法。南方一洲。雖多犯罪。化令從善。心易調伏。佛臨涅槃。親受付囑。並令守獲。不使魔娆。又問今西京城西高四土臺如何。答云。高四土臺者。其本迦葉佛。於此第三會說法度人者是也。秦穆公時。扶風獲一石佛。穆公不識。棄馬坊中。

穢汙此像。公染疾夢遊上帝。極被責疏。覺問侍臣。由余便答云。臣聞周穆王時。有化人來此土。云是佛神。穆王信之於終南山。造中天臺。高千餘尺。又於蒼頡臺。造神廟。公今所患。始非佛爲之耶。公聞大怖語。由余曰。吾近獲一石人。衣冠非今所製。棄之馬坊。將非此是佛神耶。由余聞往視之。對曰。此真佛神也。公取像澡浴。安清淨處。像遂放光。公大怖。問由余。答曰。臣聞佛神清淨愛重物命。所有供養燒香而已。公遂於土臺上。造重閣。高三百尺。時人號之高四臺。又問目連。舍利弗。佛在已終。如

何重見答曰。同名六人。此目連非大目連也。至宇文周時。文殊師利化爲梵僧。來遊此土。云欲禮拜迦葉佛。說法處。并徃文殊所住之處。名清涼山。又問今五臺山。中臺之東南三十里。見有大孚靈鷲寺。兩臺隔澗。猶存南有華園。可二頃許。四時發彩。色類不同。四周樹圍。人移華栽。別處種植。皆悉不生。唯在園內方得久榮。或云漢明所立。或云魏孝文帝栽植。如何爲實。答云。但是二帝所作。昔周穆之時。已有佛法。此山靈異。文殊所居。周穆於中。造寺供養。及阿育王亦依置塔。漢明之初。摩騰法

彌陀部 業因

具引經論。十說不同。或說一行而生淨土。如涅槃經云。有德國王。覺德比丘。爲護法因緣。生不動國。又維摩經云。直心是菩薩淨土。或說二行而生淨土。如梁攝論云。出世善法者。無分別智。及後得智。所生善根。爲出世善法。或說三行而生淨土。又觀經云。令未來一切凡夫。生極樂國。當修三業。一孝養父母。事師不煑。二受三歸。具足衆戒。三深信因果。讀誦大乘。如是三事。是名淨業。或說四行而生淨土。如維摩經云。行四無量心。是菩薩淨。

土。或四攝法。是菩薩淨土。謂布施愛語。利益同事。解脫所攝。衆生來生其國。或說五行而生淨土。如淨土論云。一者禮拜。二者讚嘆。三者作願。四者觀察。五者迴向。或說六行而生淨土。如維摩經云。布施是菩薩淨土。乃至智慧是菩薩淨土。或說七行而生淨土。如維摩經云。布以七淨華浴。此無垢人。一者戒淨。二者定淨。三者見淨。四者度。五者道非道淨。六者行淨。七者行斷智淨。前二是方便道。次三是見道。次一是修道。後一是無學道。或說八行而生淨土。如維摩經云。成就入法。生於淨土。

一饒益衆生。代衆生受諸苦惱。二所作功德。盡以施之。
三等心衆生謙下無礙。四於諸菩薩觀之如佛。五所未
聞經。聞之不疑。六不與聲聞而相違背。七不嫉彼供。不
高已利。八常省已過。不訟彼短。恒以一心求諸功德。或
說九行而生淨土。如無量壽經云。畧說三輩廣說九品。
或說十行而生淨土。如維摩經云。十善是菩薩淨土。又
彌勒發問經云。若欲樂生安養國者。當修十念。卽得往
生。何等爲十一者。於一切衆生。常生慈心。二者於一切
衆生。不毀其行。三者於一切衆生。深起悲心。除殘害心。

四者護法。不惜身命。於一切法。不生誹謗。五者於恐辱。
中生決定心。六者深心清淨。不染利養。七者發一切種
智心。日日常念。無有廢忘。八者於一切衆生。生尊重心。
除憍慢心。九者不生染著心。不生憤鬪散亂心。十者常
念觀佛。除去諸相。彌勒當知。如是十念。一一次第。相續
而起。不生彼國。無有是處。或說三十七品。是菩薩淨土。
如無量壽經云。發四十八大願。而生淨土。

感應緣

二
驗

宋魏世子者，梁郡人也。奉法精進。兒子遵修，唯婦迷閒。

不信釋教。元嘉初。女年十四。病死七日而甦。云可安施高座。并無量壽經。世子卽爲具設經座。女先雖齋戒禮拜。而未嘗看經。卽升座轉讀。聲句清利。下啟父言。兒死便往無量壽國。見父兄及已三人。池中已有芙蓉大華。後當化生其中。唯母獨無。不勝此苦。故歸啟報。諱竟復絕。母於是乃敬法。

隋時有阿彌陀佛。五十菩薩像。西域天竺之瑞像也。相傳云。昔天竺鷄頭摩寺。五通菩薩往安樂界。請阿彌陀佛。娑婆衆生願生淨土。無佛形像。願力莫由。請垂降許。

佛尋影現。及菩薩還。其像已至。一佛五十菩薩。各坐蓮華。在樹葉上。菩薩取葉所在。圖寫流布。

彌勒部 受戒

若是居家白衣。未受戒者。先受翻邪三歸。日別六時。隨時便受。顯歸三寶。自誓不迴。必得上生。若出家五衆。已受得戒。但依修行。不須別受。

感應緣

一 驚

梁剡石城山。有釋僧護。本會稽剡人也。少出家。便尅意苦節。戒行嚴淨。後居剡石城隱。寺寺北有青壁。直上

數十餘丈。當中央。有如佛焰光之形。上有叢樹。曲幹垂蔭護。每經行至壁所。輒見光明煥炳。聞絃管歌讚之聲。於是擎鑪發誓。願博山鐫造十丈石佛。以敬擬彌勒千尺之容。初就彫剪。疎鑿移年。僅成面璞。頃護遘疾臨終。誓第二身中。尅果後。有沙門僧淑。纂襲遺功。而資力莫由。未獲成遂。至梁天監六年。有始豐令陸咸。夜宿剡溪。值風雨晦冥。危懼假寐。忽夢見三道人來告云。若能治剡縣僧護所造石像。得成就者。必獲平豫。咸還都經年。稍忘前夢。後出門。乃見一僧云。聽講寄宿。自言去歲剡。

普賢部 感應緣 一驗

溪所燭。猶憶此不咸倒屣諮詢。追及百步。忽然不見。豁爾意解。具憶前夢。乃剡淡所見第三僧也。咸啟建安王。王卽以上聞。勅遣僧佑。律師專任像事。捨金成造。初僧佑未至。一日寺僧慧達。夢見黑衣大神。翼從甚壯。立於龕所。商畧分數。至明旦。佑律師至。其神應若此。

宋沙門釋道問。扶風好時人也。本姓馬氏。學業淳粹。弱齡有聲。元嘉二年九月在洛陽。爲人作普賢齋。道俗四十許人。已經七日。正就中食。忽有天人。袴褶乘馬。入至

堂前下馬禮佛。便見赤光赫然。竟天良久而滅。問以七年與同學來遊京師。時司空何尚之始擣南澗精舍。同寓居焉。夜中忽見四人乘一新車。呼問其載道。問眼閉。不覺升車。俄見一貴人着帙被箋布單衣坐牀。燾纖形似華蓋。鹵簿從衛可數百人。悉服黃衣。見問驚曰。行般舟遙久。精心遠詣。祇欲知其處耳。何故將來。卽遣人引送。問還至精舍門外。失所送人。門閉如故。扣喚久之。寺內諸僧咸驚相報。

觀音部 感應緣五驗

秦徐義者高陸人也。少奉法爲符堅尙書。堅末兵革蜂起。賊獲義。將加戮害。乃埋其兩足。編髮於樹。夜中竊念觀世音。有頃得眠。夢神謂之曰。今事亟矣。何暇眠乎。義便驚起。見守防之士並疲而寢。乃試自奮動手髮。旣解足亦得脫。因而遁去百餘步。隱小叢草。便聞追者交馳。火炬星陳。牙繞此叢。而竟無見者。

秦畢覽東平人也。少奉法隨慕容垂北征。陷敵。追騎將及。覽至心誦念觀世音。旣得免脫。因入深山。迷惑失道。又苦心歸念。中夜見一道人法服持錫示

以途徑。遂得還路安隱至家。

晉沙門竺法純。山陰顯義寺主也。晉元興中。起寺行牆。至蘭上買材。路經湖道。材主是婦人。共至材所議價。遂同船俱行。旣入大湖。日暮暴風。波浪如山。純船小水入。命在瞬息。乃一心誦觀世音經。俄有大舟泛流趣純。疑是神力。共渡乘之。而此小船應時卽沒。大舟隨波鼓蕩。俄得達岸。

晉沙門釋開達。隆安二年。登壘採甘草。爲羨所執。時年大饑。羨置達柵中。將食之。七日并者十有餘人。羨日夕

烹俎。唯達尙存。達被執。便潛誦觀世音經。不懈乎心。及明日當見噉。其晨始曙。忽有大虎。遙逼群羨。奮怒號吼。羨各駭怖。逃走。虎乃前嚙柵。必謂見害。旣柵穿而不入。達卽穿柵逃走。遂得免脫。

魏末魯郡釋法力。精苦有志。勤營塔寺。欲於魯郡立精舍。而材不足。與沙彌明珍。往山谷乞麻一載。還行空澤中。忽遇野火。車在下風。恐無得免。法力倦眠。比寤而火勢已及。因舉聲稱觀。未遑稱世音。應聲風轉。火燄尋滅。又有法智。本爲白衣。獨行大澤。猛火四面。一時同至。自

知必死。乃合面於地。專稱觀世音。恠無火燒舉頭看之。一澤之草。纖毫並燼。唯智所伏。僅容身耳。因此感悟。捨俗出家。

敬法篇 聽法部

如付法藏經云。佛言。一切衆生。欲出三界生死大海。必假法船。方得度脫。法爲清涼。除煩惱熱。法是妙藥。能愈結病。法是衆生真善知識。作大利益。濟諸苦惱。所以然者。一切衆生。志性無定。隨所染習。近善則善。近惡則惡。若近惡友。便造惡業。流轉生死。無有邊際。若近善友。起

諸敬心。聽受妙法。必能令離三途苦惱。由此功德。受最勝樂。華氏國王。有一白象。能滅怨敵。若人犯罪。令象蹋殺。後時象既爲火所燒。移象近寺。象聞比丘誦法句經偈。便柔和起慈悲心。後付罪人。但以鼻嗅舌舐而去。都不肯殺。王見斯已。召諸臣共謀此事。智臣白王。此象近寺。必聞妙法。今可移近屠肆處繫。王用其言。象見屠殺。惡心猛熾。殘害更增。是以當知。一切衆生。志性無定。畜生尙爾。聞法生慈。見殺增害。況於人而不染習。是故智者。宜應覺知。見惡須棄。覩善宜近。勤聽經法。又徃昔有

婆羅門持人髑髏其數甚多。詣華氏城中遍行銜賣。高聲罵言。若不就我買髑髏者。我當與作惡名聞也。爾時城中諸優婆塞聞畏毀謗。便將錢買。即以銅筋貫穿其耳。若徹過者。便與多價。其中徹者。與價漸少。都不通者。全不與直。婆羅門言。髑髏無異。何故與價差別不等。優婆塞言。全徹過者。此人生時聽受妙法。智慧高勝。相與多價。其半徹者。雖聽經法。未善分別。故與少直。全不通者。此人往昔都不聽法。故不與價。時優婆塞持此髑髏。往至城外起塔供養。命終之後悉得生天。以是因緣。當

知妙法有大功德。是故智者欲得無上安隱快樂。應當至心勤聽經法。賢愚經云。昔佛在世時。舍衛國中須達長者信敬佛法。爲僧檀越。衆僧所須。一切供給。須達家內有二鸚鵡。稟姓黠慧。解人言語。見比丘來。先告家內令出迎送。阿難後時到長者家。見鳥聰黠。爲說四諦苦集滅道。門前有樹。二鳥聞法。飛向樹上歡喜誦持。夜在樹宿。野狸所食。緣此善根。生四王天。如是七返生六欲天。自恣受樂。極天之壽。而無中天。後時命終。來生人中。出家修道。得辟支佛。一名曇摩。二名修曇摩。又佛在世。

時有一比丘。林中誦經。音聲雅好。時有一鳥。在樹而聽。時爲獵師所射。命終。緣此善根。生忉利天。自識宿命。知因比丘誦經。聽法。得生此中。卽持天華。到比丘所。禮敬。問訊。以天香華。供養比丘。比丘具問。知其委曲。卽命令坐。爲其說法。得須陀洹。旣得果已。還歸天上。禽鳥聽法。尙獲福報。無邊況於人信心。聽法寧無善報。

求法部

如雜寶藏經云。昔有一女人。聰明智慧。深信三寶。嘗請比丘。就舍供養。後時有一老比丘。次到其舍。年老根昧。

素無知曉。齋食訖已。女人至心求請說法。敷坐頭前。閉目靜坐。比丘自知不解說法。趨其泯眼。棄走還寺。然此女人至心思惟。唯有爲之法。無常苦空。不得自在。深心觀察。卽時獲須陀洹果。旣得果已。向寺求覓。欲報其恩。然此比丘。自審無知。倍生慚恥。轉復藏避。而此女人苦求不已。方自出現。女人見已。具說蒙得道果因緣。齋供報恩。老比丘聞。甚大慚愧。深自尅責。亦復獲須陀洹果。是故行者。應當至心求法。若至心者。所求必獲。涅槃經云。佛言。我念過去作婆羅門。在雪山中修菩薩行。時世無

佛亦無經法。時天帝釋觀見菩薩獨在山中修諸苦行。卽下試之。自變其身作羅刹像。甚可怖畏。在菩薩前。口說半偈。諸行無常。是生滅法。菩薩聞偈。心生歡喜。卽從坐起。四向顧視。不見餘人。唯見羅刹。卽便往問。大士何處得此半偈。此半偈義。乃是三世諸佛正道。羅刹答言。汝不須問。我不食來。已經多日。處處求索。了不能得。饑渴苦惱。心亂謬語。非我本心之所知也。菩薩復語。若能爲我說是偈竟。我當終身爲汝弟子。羅刹答言。我今饑逼。實不能說。菩薩復語。汝食何食。羅刹言。我所食者。唯

人暖肉。其所飲者。唯人熱血。菩薩聞已。卽語羅刹。但能具足說是偈竟。我當以身奉施供養。羅刹言。誰當信汝。爲八字。故棄所愛身。菩薩答言。梵釋四王。諸佛菩薩。能爲我證。羅刹卽說。生滅滅已。寂滅爲樂。說是偈已。菩薩深思。然後處處石壁道樹。書寫此偈竟。上高樹。投身而下。未至地墳。時虛空中。出種種聲。爾時羅刹還復釋身。接取菩薩。安置平地。懺悔辭謝。頂禮而去。緣爲半偈捨身因緣。超十二劫。在彌勒前。成無上道。又佛言。我念過去無量無邊那由他劫。此沙婆世界。有佛出世。號釋迦。

牟尼爲衆生宣說大涅槃經。我於爾時。心中歡喜。卽欲供養。貧無財物。遂行賣身。路見一人答言。我家作業人無堪者。吾有惡病。良醫處藥。應當日服人肉三兩。卿若能以身肉三兩。日日見給。便當與汝金錢五枚。我時聞已歡喜相就。取錢往至佛所。禮已奉獻。然後誠心聽受是經。我時闇鈍。唯受一偈。如來證涅槃。永斷於生死。若是至心求。常得無量樂。受是偈已。至病人家。雖復日日與肉三兩。以念偈故。不以爲痛。日日不廢。足滿一月。其人病瘥。瘡亦平復。我時見身具足平復。卽發菩提願。以

是因緣今得成佛。又福德三昧經云昔過去久遠阿僧祇劫有一仙人名曰鼠勝住山林中具五神通常行慈心欲濟衆生欲滅衆生煩惱邪見能生正見便詣城邑聚落處處推求說法之師時有天魔來語仙言我今有佛所說一偈汝今若能剝皮爲紙刺血爲墨拆骨爲筆書寫此偈當爲汝說最勝仙人聞已念言我於無量百千劫中常以無事爲他割截受苦無量都無利益我今當捨不堅之身易得妙法歡喜踊躍卽以利刀剝皮刺血拆骨爲衆生故至誠不虛餘方世界有大慈悲能說

法者當現我前。說是語時。東方普無垢國。有佛號淨明王。忽住其前。放大光明。照最勝身。苦痛即除。平復如故。佛即廣爲說集。一切福德三昧。最勝聞法。得無礙辯。得辯才已。爲諸衆生。廣說妙法。令無量衆生。住三乘道。經千歲後。而乃命終。生淨名王普無垢國。由敬法故。今得成佛。

法師部

華嚴經云。譬如金翅鳥王。飛行虛空。安住虛空。以清淨眼觀察大海龍王宮殿。奮勇猛力。以左右翅膀。搏開海水。

悉令兩闢。知龍男女有命盡者。而攝取之。如來應供等正覺。亦復如是。安住無礙虛空之中。以清淨眼觀察法界。一切衆生。若有善根已成熟者。奮勇猛十力。止觀兩翅。搏開生死大愛。海水除滅。一切妄想顛倒。安立如來無礙之行。

謗罪部

敬福經云。善男子。經生之法。不得顛倒。一字重點。五百年中。墮迷惑道中。不聞正法。又大集經云。若有衆生於過去世。作諸惡業。或毀於法。或謗聖人。於說法者。爲作

障礙或抄寫經法。洗脫文字。或損壞他法。或閹藏他經。由此業緣。今得盲報。又大般若經。佛言。諸善男子女人等。書寫般若波羅蜜多。甚深經時。頻申欠咷。無端戲笑。互相輕凌。身心躁擾。文句倒錯。迷惑義理。不得滋味。橫事歎起。書寫不終。當知是爲菩薩魔事。又大品經云。是人毀訾三世諸佛。及一切智。起破法業。因緣集故。無量百千萬億歲。墮大地獄中。是破法人輩。從一大地獄至一大地獄。如是遍十方獄。受無量苦。復至十方他國土。生育生中。受破法罪業苦。或得人身。生育人家。生旃陀。

感應緣十劫

羅家生除廁擔死人種種下賤家。若無眼。若一眼。若瞎眼。無舌。無耳。無手。所生之處。無佛。無法。無佛弟子。何以故。種破法業積集厚故。又涅槃經云。若有不信是經典者。現世當爲無量病苦之所惱害。多爲衆生所見罵辱。命終之後。人所輕賤。顏貌醜陋。資生艱難。常不供足。

作書得筆便作胡書橫行。或如乙。或如巳。滿五紙。投着地。教人讀此書。邑中無能讀者。有一小兒。十餘歲。婦卽指此小兒能讀。小兒得書。便梵語讀之。觀者驚愕。以白德慎。德慎欲驗其事。卽遣吏齋書詣許下寺。以示舊番。番大驚。言佛經中間亡失。道遠憂不能得。雖口誦不具足。此乃本書。遂留寫之。

晉周閔汝南人也。晉護軍將軍家世奉法。蘿峻之亂。都邑人士皆東西波遷。閔家有大品一部。以半幅入丈素。反覆書之。又有餘經數臺。大品亦雜在其中。旣當避難。

單行不能盡持去。猶惜大品不知在何臺中。倉卒應去。不展尋搜。徘徊嘆咤。不覺大品忽自出外。閔驚喜。

晉董吉者。於潛人也。奉法三世。至吉尤精進。恒齋戒。誦首楞嚴經。村中有病。輒請吉讀經。所救多愈。同縣何晃者。亦奉法士也。咸和中。得山毒之病。晃兄惶遽。馳往請吉。董何二舍。相去七十里。復隔大溪。五月中大雨。晃兄初渡時。水尚未至。吉與期。投中食。比往而山水暴漲。不復可涉。吉遲回嘆息。坐岸良久。必欲赴期。乃惻然發心。自誓曰。吾救人苦。不計軀命。冀如來大士。當照乃誠。便

脫衣以囊經戴置頭上。逕入水中。量其深淺。乃應至頸及吉渡。正着膝耳。旣得土岸。失囊經。甚惋恨。進至晁家。三禮懺悔。流涕自責。俛仰之間。便見經囊在高座上。吉悲喜取看。浥浥如有濕氣。開囊視經。尙燥如故。於是村人一時奉法。

周祖滅法。經籍從灰。以後年中。忽見五六如茵大者。飛上空中。飄飄上下。朝宰立望。不測是何。久乃翻下。視乃是大品經之十三卷。

陳嚴恭。年弱冠。請於父母。願得五萬錢。徃楊州市易。父

母從之。恭船載物去。楊州數十里。江中逢一船。載龜將詣市賣之。恭念龜當死。因請贖之。謂龜王曰。我正有五萬錢。願以贖之。龜王喜。取錢付龜而去。恭盡以龜放江中。其龜主別恭行十餘里。船沒而死。是日。恭父母在家。昏時。有烏衣客五十人。詣門寄宿。并送錢五萬。付恭。父母曰。公兒楊州附此錢歸。願依數受也。父恠愕。恭死。因審之。客曰。兒無恙。但不須錢。故附歸耳。恭父受之後。月餘。恭還家。父母大喜。旣止。而問附錢所由。恭答無之。父母說客形狀。及付錢月日。乃贖龜之日。於是知五十客。

名曰一人已生人間。一人在獄。罪重不可喚來。若師就見可也。僧因起出。不遠而至一所。多見廟獄火燒光焰甚盛。神將僧入一院。遙見一人在火中。號呼不能言。形變不復可識。而血肉焦臭。令人傷心。僧愁愍求出。俄而至廟。又與神坐。因問欲救同學。有得理耶。神曰可得能爲寫法華經者。便免。既而將曙。神辭僧入堂。旦而廟令視其僧不死。惟異之。僧因爲說。仍卽爲寫法華經一部。經旣成。莊嚴畢。又將經就廟宿。其夜神出如初。告之曰師爲寫經始書題目。彼已脫免。

皆所贖龜也。父子驚歎。因共往楊州。起精舍。專寫法華經。莊嚴清淨。楊州道俗。共相崇敬。號爲嚴法華。隋大業中。有客僧行至太山廟來寄宿。廟令曰。此別無舍。唯神廡下可宿。然而比來寄宿者。輒死。僧曰。無苦也。不得已從之。爲設牀於廡下。僧至夜。端坐誦經。可一更。聞屋中環珮聲。須臾神出。爲僧禮拜。僧曰。聞此宿者多死。豈檀越害之耶。願見護之。神曰。願師無慮。僧因延坐。談說。問曰。聞世人傳說云。太山治鬼。寧有之耶。神曰。有之。豈欲見先亡乎。僧曰。有兩同學僧先死。願見之。神問

唐釋遺俗者遊行醴泉山誦法華數千遍至貞觀年因疾將終告友人慧廓禪師曰比雖誦經意望有驗若生善道舌根不朽可爲埋之十年發出若舌朽滅知誦無功若舌如初爲起一塔生俗信敬言訖而終至十一年依言發之身肉多盡唯舌不朽一縣士女皆共戴仰乃函盛舌而起塔於甘谷岸上

唐貞觀五年有隆州巴西縣令狐元軌者信敬佛法寫法華金剛般若涅槃等如法潔淨寫了下表還岐州莊所經留在莊并老子五千文同在一處忽爲外火延燒

堂宇一時灰蕩輓令家人撥灰其內諸經宛然如故演色不改唯箱奏成灰又覓老子便從火化於時聞見之者莫不嗟異其金剛般若經一卷題焦黑訪聞所由乃初題經時有州官能書其人雜食行急不獲潔淨直爾立題便去由是色焦

顯慶中平州有人姓孫名壽於海濱遊獵見野火燔熾草木蕩盡唯有一叢茂草獨不焚燎疑此草中有獸遂以火燒之竟不能著壽甚恠之遂入草間尋覓乃見一函金剛般若經其傍又見一死僧顏色不變

唐曹州濟陰縣西二十里村中有精舍。至龍朔二年冬十月野火暴起。非嘗熾盛。及至精舍。踰越而過焉。比僧房草舍焚燎總盡。唯金剛般若經一卷。儼然如舊。

敬僧篇

引證

普達王經云。時有夫延國王。號名普達。典領諸國四方貢獻。王身奉佛法。未嘗偏枉。嘗有慈心。愍傷愚民。不知三尊。每嘗齋戒。輒登高觀燒香。還頭著地。稽首爲禮。國中臣民恠王如此。共議言。王處萬民之尊。遠近敬伏。發言人從。何毀辱威儀。頭面著地。群臣數數欲諫。不敢。王

勅臣下。使嚴駕當行。王卽與吏民數千人。始出宮未遠。忽見一道人。王便下車却。蓋住其群從。頭面著地。爲道人作禮。尋從而還。施設飲食。遂不成行。群臣於是諫言。大王至尊。何宜於道路。爲此乞匱道人。頭面著地。天下尊貴。唯有頭面。加爲國主。不與他同。王便勅臣下。令求死人頭及牛馬猪羊頭。於市賣之。牛馬猪羊頭等皆售。但人頭未售。王言賤貴賣之。轍使其售。如其不售。便以勾人。如是歷日。賣既不售。勾又不取。頭皆脣脹。臭不可近。王便大怒。語臣下言。卿曹前諫言人頭最貴。不可毀。

辱。今使賣六畜頭皆售。人頭何故匱人無取者。王卽勑臣下嚴駕當出。到城外曠野澤中。王有所問。群臣人民莫不振悚。王卽告群臣言。卿寧識吾先君時有小兒。常執持蓋者否。臣下對曰。實識有之。王言今此小兒何所在。對曰。亡已久遠。乃歷十七年。王言此兒爲人善惡。何如。對言。臣等常覩其承事先王。齋戒恭肅。誠信自守。非法不言。王告諸臣。今若見此兒在時所著衣服。寧識之否。諸臣對曰。雖自久遠。臣故識之。顧使從憲還內藏。取前亡兒衣來。須臾衣至。王曰。此是不對曰。實是其衣。王

曰。今倘見其身。爲識之不。臣下皆默然。良久曰。臣自嘆闇。卒覩不別。王始欲說本因。見道人來到王所。王大歡喜。道人就坐。王以手具白前緣。今故嚴出。欲示本末。願爲國臣民。開導愚癡。令知真法。道人卽爲臣下說。欲知王者。本是先王持蓋小兒。常隨先王。齋戒一日不犯。還生爲王。作子。令致尊貴。皆由宿行。臣下大小莫不僉然。曰。吾等幸遇道人。願遂哀愍。乞爲弟子。道人告曰。我師號曰佛。具足相好。獨步三界。教授不虛。佛今去此。乃六千里。須臾語頃。道人飛到舍衛國。具以啟佛。彼國人民。

甚可愍傷。今皆誠心願欲見佛。唯垂大慈。開示真道。佛便許可。明日到夫延國。佛爲王及臣民等說法。王聞佛說。卽意解得須陀洹國中人民聞經。皆受五戒十善。雜寶藏經云。月氏國王名旃檀罽尼吒。聞罽賓國尊者阿羅漢字祇夜多。有大名稱。思欲相見。卽與諸臣往造彼國。於其中路。心切生念言。吾今爲王。王於天下。一切人民靡不敬伏。自非有德。何能任我供養。作是念已。遂便前進。彼國有人告尊者言。月氏王與諸群臣從遠來相見。唯願尊者整衣服。共相待接。時尊者答言。我聞佛語。出家之人。道尊俗表。唯德是務。豈以服飾出迎接乎。遂便靜默。端坐不出。於是月氏王至其住處。見尊者威德。倍生敬信。卽前稽首。却住一旁。時尊者欲唾。月氏國王不覺前進。授唾器。時尊者卽語王言。貧道今者未堪爲王作福田也。胡爲躬自枉屈神駕。時月氏王深生慚愧。我向者已知。非神德。何能爾也。卽便爲王畧說教法。言王來時道好。去如來時。王聞教已。卽便還國。至其中路。群臣怨言。我等遠從大王。往至彼國。竟無所聞。王言。向尊者爲說法。來時道好。去如來時。卿等不解此耶。以

我往昔持戒布施修造功德以植王種今享斯位復修積善當來之世必重受福故誠我言如是群臣聞已稽首謝教。
即此後去收來報王聞終日嘗歎異聞至其中
 敬益部」味其極論所指則知王奏萬殊未盡
 寶性論云三寶有六義故須敬也一者希有義如世寶物貧窮之人所不能得三寶如是薄福衆生百年萬世不能值遇故名爲寶二者離垢義如世真寶體無瑕穢三寶如是絕離諸漏故名爲寶三者勢力義如世珍寶除貧去毒有大勢力三寶如是具不可思議六神通力故除貧去毒有大勢力三寶如是具不可思議六神通力故

感應緣

二驗

晉沙門釋法安者。廬山僧遠法師弟子也。義熙末。陽新縣虎暴甚盛。縣有大社。樹下有築神廟。左右民居。以百數。遭虎死者。夕必一兩。法安嘗遊其縣。暮投此村。民以懼虎。早閉門間。且不識法安。不肯受之。法安遙之樹下坐禪。通夜向曉。有虎負人而至。投樹之北。見安如喜如跳。伏安前。安爲說法。授戒。虎踞地不動。有頃而去。至旦。村人追死者至樹下。見安大驚。謂其神人。故虎不害。自此以後。而虎患遂息。

晉太原初。有燉煌沙門竺曇。乞食坐禪。強志勤業。遊會稽剡縣赤城山。有羣虎來前。曇爲說法。一虎獨眠。乃以如意杖打頭。有十圍蛇繞之。都無怖色。又山神捨宅作寺。又往赤城山宴坐。此山與天台瀑布四明連屬。父老云。天台有聖寺。欲往尋之。石橋跨谷。青滑難度。橫石斷路。無由得達。因宿橋首。聞彼行道唱薩聲。便潔齋自勵。忽見橫石洞開。猷便前度。其觀精舍。神僧燒香。致敬篇。功能部。

藥王藥上經云。釋迦牟尼告大衆言。我昔無數劫時。於

妙光佛。末法之中。出家學道。聞五十三佛名。聞已。合掌心生歡喜。復教他人。令得聞持。他人聞已。展轉相教。乃至三千人。此三千人異口同音。稱諸佛名。一心敬禮。以是因緣功德力故。卽得超越無數億劫生死之罪。其初千人者。始從華光佛爲首。下至毗舍浮佛。於莊嚴劫。得成佛道。卽過去千佛是也。此中千佛者。始從拘樓孫佛爲首。下至樓至佛。於賢劫中。次第成佛。後千佛者。始從日光佛爲首。下至須彌相佛。於星宿劫中。當得成佛。現在十方諸佛善德如來等。亦得聞是五十三佛名故。於

十方世界各得成佛。

感應錄一驗

唐左監門校尉李山龍。以武德中暴亡。而心上不冷。如掌許。家人未忍殯斂。至七日而甦。說云。當死時。被冥收錄。至一官曹。廳事甚宏壯廣大。庭內有囚數千人。或枷鎖。或杻械。皆北面立。滿庭中。吏將山龍至廳下。天官坐高牀。侍衛如王者。山龍問吏。此何官吏。曰。是王也。山龍前至階下。王問汝生平作何福業。山龍對曰。鄉人每設齋講。恒施物同之。王曰。汝身作何善業。山龍曰。誦法華。

經兩卷。王曰大善可升階。既升廳上東北間有一高座如講座者。王指座謂山龍曰可升此座講經。山龍奉命至側。王卽起立曰請法師升座。山龍升座訖。王乃向之而坐。山龍開經曰妙法蓮華經序第一品。王曰請法師止。山龍卽止下座復立堦下。顧庭內向囚已盡無一人在者。王謂山龍曰君誦經之福非唯自利乃令庭內衆囚皆以聞經獲免豈不善哉。今放君還去。山龍拜辭行數十步。王復呼還謂吏曰可將此人歷觀諸獄。吏卽將山龍東行百餘步見一鐵城甚廣大。上屋覆其城。城傍

多有小窓或大如小盆或如盂碗見諸男女從地飛入窓中卽不復出。山龍恠問吏曰此諸人者各隨本業赴獄受罪耳。山龍聞之悲懼稱南無佛請吏求出至院門見一大鑊火猛湯沸傍有二人坐睡。山龍問之二人曰我罪報入此鑊湯蒙賢者稱南無佛故獄中諸罪人皆得一日休息疲睡耳。山龍又稱南無佛吏謂山龍曰王放君去可白王請抄王命紙書一行字付吏曰爲取五道等署吏受命將山龍更歷兩曹皆取其官署各書一行付山龍。龍持出至門有三人謂山龍曰王放君去可

遣我等山龍未言。吏謂山龍曰。王放君不由。彼然三人者。是前收錄君使。一人是繩王。當以赤繩縛君者。一是棒王。當以棒擊君頭者。一是袋主。當以袋吸君氣者。見君得還。故乞物耳。山龍惶懼謝。三人曰。請至家備物。但不知何處送之。三人曰。於水邊。若樹下燒之。山龍許諾。吏送歸家。見親眷正哭。經營殯具。山龍入至屍傍。卽蘸後日剪紙作錢帛。并酒食。自送於水邊燒之。忽見三人來謝。

歸信篇 小乘部

如涅槃經佛言。衆生有二。一者有信。二者無信。有信之人。則名可治。定得涅槃。瘡疣無故。無信之人。名一闇提。名不可治。又雜阿含經。世尊爲婆羅門說耕田偈。云。信心爲種子。苦行爲時雨。智慧爲特輶。慚愧心爲轍。正念自守護。是則善御者。爾時婆羅門聞已。發心出家。得阿羅漢道。

大乘部 無量壽經。法華經。金剛經。大般若經。俱舍論。成唯識論。出生菩薩心經。云爾時迦葉婆羅門白佛言。世尊發菩提心者。應攝幾許福聚。爾時世尊以偈說言。若此佛刹。

諸衆生令住信心及持戒如彼最上大福聚不及道心十六分又涅槃經云佛讚迦葉若有衆生於熙連河沙等諸佛所發菩提心乃能於惡世受持如是經典不生誹謗善男子若有能於一恒河沙等諸佛世尊所發菩提心然後乃能於惡世中不謗是經愛樂是典不能爲人分別廣說若有衆生於二恒河沙等佛所發菩提心然後乃能於惡世中不謗是法正解信樂受持讀誦亦不能爲他人廣說若有衆生於三恒河沙等佛所發菩提心然後乃能於惡世中不謗是法受持讀誦書寫經

卷雖爲他說未解深義若有衆生於四恒河沙等佛所發菩提心然後乃能於惡世中不謗是法受持讀誦書寫經卷爲他廣說十六分中一分之義雖復演說亦不能足若有衆生於五恒河沙等佛所發菩提心然後乃能於惡世中不謗是經受持讀誦廣爲人說十六分中八分之義若有於六恒河沙等佛所發菩提心然後乃能於惡世中不謗是經受持讀誦爲他廣說十六分中十二分義若有衆生於七恒河沙等佛所發菩提心然後乃能於惡世中不謗是法受持讀誦爲他廣說十六

分中十四分義。若有衆生於八恒河沙等佛所發菩提心。然後乃能於惡世中不謗是法。受持讀誦亦勸他人令得書寫。自能聽受。復勸他人令得聽受。

感應緣二驗

宋袁炳字叔煥。陳郡人也。秦始末爲臨湘令。亡後積年。友人司馬遜於時曉間如夢見炳來陳叙闋別。訊問安否。旣而謂遜曰。如今所見善惡大科畧不異也。然殺生故景爲重。禁慎不可犯。

隋蜀部灌口山竹林寺釋道仙。本唐居國人。以遊賈爲

業。往來吳蜀。集積珠寶。向直十萬貫。後達梓州牛頭山。值僧說法。深悟財累。乃沉江頓捨。便投灌口山竹林寺出家。結志不群。端坐靜室。寂若虛空。時遭酷旱。百姓惶憂。苗稼失色。皆來請祈。仙卽往龍穴。以杖叩門。喚曰。衆生何爲嗜眠。如語卽寤。當時玄雲四合。大雨普霑。隋蜀王秀作鎮岷洛。尋遣追不承命。王勃然動色。親領兵伏。往彼擒之。必若固違。可卽加刃。仙聞兵至。傍若無人。被僧伽梨。已端坐禪誦。王達山足。忽降雨雜注。雹雪雷奔。水涌須臾滿川。軍藏無計。並憂沒命。事旣窘迫。乃懺悔。

從耳而入。目連觀已捨之而去。弟子問言。是何女人。答言此是舍衛城中大薩薄婦。容貌端正。世間少雙。其婦常以三奇木頭擎鏡照面。自覩端正。便起嬌慢。深自愛著。夫甚敬愛。將共入海。海惡船破。沒水而死。漂出岸上。此薩薄婦。由自愛身。死後還生。在故身中。作此蟲也。捨蟲身已墮大地獄。受苦無量。小復前行。見一女人。自身負銅鑊。枝鑊著水。以火然沸。脫衣入鑊。肉熟離骨。沸吹骨出在外。風吹尋還成人。自取肉食。福增問師。是何女人。其師答言。舍衛國中有優婆夷。敬信三寶。請一比丘。

一夏供養在於陌頭作房安置。自辦種種香美飲食。遣婢送之。婢至屏處選好先食餘與比丘。大家覺問。汝不偷食。不婢答言。不比丘食訖。有殘與我。我乃食之。若我先食。使我世世自食身肉。以是因緣先受華報。後墮地獄。次小前行。見一肉樹。多有諸蟲。圍唼其身。無有空處。呼喚啼哭如地獄聲。弟子問師。是何樹耶。目連答言。是瀕利吒營事比丘。以自在故。費用僧物。華果飲食送與白衣。以是因緣受此華報。後墮地獄。唼樹諸蟲。卽爾時得物之人。次復前行。見一男子獸頭人身。諸惡鬼神手

執弓弩三隻毒箭鏃皆火然競共射之洞身焦然福增
問師此何人耶目連答言此人前身作大獵師多害禽
獸故受斯苦於後命終墮大地獄次復前行見一骨山
其山高大七百由旬能障蔽日使海陰黑爾時目連於
此骨山一大肋上往來經行弟子問師是何骨山師答
福增言汝欲知者此卽是汝故身骨也福增聞已心驚
毛豎惶怖汗出白言願說本來因緣目連告曰生死輪
轉無有邊際造善惡業終無朽敗必受其報昔過去時
此闍浮提有一國王名曰法燭好喜布施持戒聞法慈

悲衆生不傷物命正法治國滿二十年其間閑暇共人
博戲時有一人犯法殺人臣以白王值王戲言隨國法
治卽依律斷殺人應死尋卽殺之王戲罷已問諸臣言
罪人何所臣答殺竟王聞是語悶絕躋地水灑乃蘇垂
淚而言官臣妓女象馬七珍悉皆住此唯我一人獨入
地獄我今殺人當知便是旃陀羅王卽捨王位入山自
守其後命終生大海中作摩竭魚其身長大七百由旬
諸王大臣自恃勢力枉尅百姓殺戮無邊命終多墮摩
竭大魚多有諸蟲唼食其身身癢揩山殺蟲汙海血流

百里魚一眠時。經於百歲。饑渴吸水。爾時適有五百賈客入海採寶。值魚張口。一時同聲稱南無佛。魚聞佛聲。閉口水停。賈人得活。魚餓命終。生王舍城作汝身也。魚死之後。夜叉羅刹。出置海岸。肉消骨在。作此骨山法。增王者汝身是也。緣殺人故。墮海作魚。福增聞已。深畏生死。觀見故身。解法無常。得阿羅漢果。

入道篇
引證
如雜寶藏經云。昔盧留城。有阨羨王。聰明解達。饒大智慧。有一夫人。名曰有相端正少雙。兼有德行。王甚愛

敬。時彼國法。諸爲王者。不自彈琴。爾時夫人在於曲室。共王歡戲。自恃王寵。遣王彈琴。自起爲舞。初舉手時。王素善相。覩見夫人死相已現。計其餘命。不過七日。王卽捨琴。慘然長嘆。夫人白王。受王恩寵。敢於曲室求王彈琴。自起爲舞。用爲歡樂。有何不適。捨琴長歎。願王告語。王不肯答。慇懃不已。王以實答。夫人聞之。甚懷憂懼。卽白王言。我聞石室比丘尼。若能信心出家。一日必得生天。我欲出家。願王聽許。王愛情重。語夫人言。至第六日。當聽汝去。汝有善心。求欲出家。若得生天。必來見我。我

乃聽去。作是誓已。夫人許可。至六日。便得出家。受入戒齋。卽於其日。飲石蜜漿。腹中絞結。至七日旦。卽便命終。乘是善緣。得生天上。憶本誓故。來詣王所。光明熾盛。徧照王宮。時王問言。是誰。答言。我是王婦。有相夫人。王喜白言。願來就座。答言。我今觀王臭穢叵近。但以先誓故。來見王。王聞是已。心開意解。而自嘆言。今彼天者。本是我婦。出家一日。便得生天。神志高遠。而見鄙賤。我今何故。而不出家。我會聞說天一爪甲直一闍浮提地。我此一國。有何可貪。作是語已。捨位與子。出家修道。得阿羅漢。

又雜譬喻經云。昔者兄弟二人。居世富貴。資財無量。志念各異。兄好道義。弟愛家業。其弟見兄不親家業。追逐沙門。聽受佛經。家轉貧困。財物日耗。恒嫌恨之。兄報曰。五戒十善。供養三寶。以道化親。不亦孝乎。其弟含恚掉頭不信。兄見如是。更謂弟曰。卿貪家事。以財爲貴。吾好經道。以慧爲珍。今欲捨家歸命福田。計人寄世。忽若飛塵。無常卒至。爲罪所纏。是故捨世。避危就安。弟見兄決志道義。寂然無報。兄則去家而作沙門。夙夜精進。坐禪思惟。行持經法。成道果證。弟貪家業。未曾爲法。其後壽

終墮於牛中。肥盛甚大。賈客買取。載鹽販之。往還數廻。牛遂羸頓。不能復前。轉增困頓。躯臥不起。賈人撾打。搖頭纔動。時兄遊行。遙見其弟。便謂之曰。弟居田宅。今身墮牛畜。卽以威神照示本命。卽自識知。淚出自責。由行不善。慳貪嫉妒。不信佛法。輕慢聖衆。不依兄語。祇突自用。故墮牛中。波頓困劣。悔當何逮。兄知心念。愴然哀傷。卽爲牛主。說其本末。賣人聞之。便以施與。卽將牛去。還至寺中。使念三寶。飯食隨時。其命終盡。得生忉利天。時衆賈客各自念言。我等治生。不能施與。不識道義。死亦

恐然。便共出舍。捐其妻子。棄所珍玩。行作沙門。精進不懈。皆亦得道。又付法藏經云。昔尊者羅漢。闍夜多。將諸弟子。詣德父尸羅城。見一鳥。欣然微笑。弟子白師願說。因緣。尊者答言。彼鳥者。乃往過去九十一劫。有佛出世。號毗婆尸。我於爾時。爲長者子。欲得出家。父母不聽。強爲聘妻。既得妻已。復求出家。父母語我。若生一子。乃當相放。後生一男。至年六歲。我復欲去。父母教見。求抱我脚。啼哭而言。父若捨我。誰見養活。先當殺兒。然後可去。我時於子起愛染心。卽語子言。吾爲汝故。不復出家。從

是以來。九十一劫。流轉五道。今以道眼觀見彼烏。乃是前子。愍其愚痴。久處生死。是以微笑。以是因緣。若復有人。障他出家。此人罪報。常在惡道。受極苦痛。無得解脫。惡道罪畢。若生人中。雙盲無目。是故智者。若見有人。欲出家者。應勤方便。勸令成就。又出家功德經云。昔佛在世時。佛與阿難入毗舍離城。時到乞食。有一王子。字鞞羅。羨那。與諸妓女。在高樓上。共相娛樂。佛聞樂音。語阿難言。我知此人。邦後七日必當命終。若不出家。或墮地獄。阿難聞已。卽往教化。勸其出家。王子聞勸。於六日中。

極意受樂。至第七日。求佛出家。一日一夜。修持淨戒。卽便命終。生四天王。滿五百歲。後生忉利。爲帝釋子。壽天千歲。次生炎摩。復爲王子。壽二千歲。後生兜率。亦爲王子。壽四千歲。次生化樂。爲天王子。壽八千歲。化樂壽盡。復生第六。他化自在。爲天王子。萬六千歲。於六欲天。往來七返。而無中天。一日出家。滿二十劫。不墮惡道。常生天上。受福自然。又雜寶藏經云。佛在迦毗羅衛國。入城乞食。到難陀舍。會值難陀與婦作粧。香塗眉間。聞佛門中。欲出外看。婦共要言。出看如來。使我額上粧未乾。頃

便還入來。難陀卽出見佛。佛卽勅剃髮師與難陀剃髮。難陀語剃髮人言。迦毗羅一切人民汝今盡可剃其髮耶。佛問剃髮者何以不剃答言畏故不敢爲剃。佛共阿難。自至其邊。難陀畏故不敢不剃。雖得剃髮恒欲還家。佛常將行不能得去。後於一日次當守房而自歡喜。今真得便可還家去。待佛衆僧等多去之後我當還家。佛入城後作是念言。當爲汲水令滿澡瓶然後還歸尋時汲水一瓶適滿。一瓶復翻。如是經時不能滿瓶。便作是言。俱不可滿。使諸比丘來還自汲。我今但著瓶屋中而

去。適卽閉門。適一扇閉。一扇復開。更作是念。俱不可閉。但置而去。縱使失諸比丘衣物我饒財寶足可償之。卽出僧房而自思惟。佛必從此來。我則從彼異道而去。佛知其意亦從異道來。遙見佛來至大樹從藏樹神舉樹在虛空中露地而立。佛見難陀問言汝婦端正不答言端正。適山中有一老瞎獮。又復問言汝婦孫陀利。面首端正何如此獮耶。難陀懊惱便作念言我婦端正人中少雙。佛今何故以我之婦比瞎獮。佛復將至忉利天上。徧諸天官而共觀看。見諸天子與諸天女共相

娛樂見一宮中有五百天女無有天子尋來問佛。佛言汝自往問難陀。往問諸宮殿中盡有天子此中何以獨無天子耶。諸女答言聞浮提內佛弟難陀。佛逼使出家以出家因緣命終當生於此天宮爲我天子。難陀答言卽我身是便欲卽住天女語言我等是天汝今是人天人路殊且還捨人壽更生此間便可得住便還佛所以如上事具白世尊佛語難陀汝婦端正何如天女。難陀答言比彼天女如暗獶猴比於我婦佛將難陀復至地獄見諸餽湯悉皆煮人唯見一餽次沸空停惟其所以

而來問佛。佛言汝自往問難陀卽往問獄卒答言聞浮提內有如來弟子名爲難陀以出家功德當得生天以欲罷道因緣天壽命終墮此地獄是故我今吹餽而待難陀聞已恐怖畏獄卒留卽作是言南無佛陀南無佛陀唯願將我擁護還至閻浮提內佛語難陀汝能勤持戒修天福自在難陀答言不用生天今唯願我不墮此獄佛爲說法一七日中成阿羅漢當知淫慾之事樂少苦多猶如逆風而爇熾炬愚者不放必見燒害

80

1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

三千威儀云。出家人所作業務者。一者坐禪。二者誦經。法三者勸化衆事若具足。作三業者是真出家。不然徒生徒死。唯有受罪之因。又百喻經云。昔有一人事須火用。及以冷水。卽便宿火以潔罐盛水。置於火上。後欲取火。而火都滅。欲取冷水。而水復熱。火及冷水二事俱失。世間之人入佛法中。出家求道。旣得出家。還念妻子。五欲之樂。由是之故。失其功德之火。無失持戒之水。



二卷末

80

1

2

3

4

5

6

7

8

9

100

1

2

3

4

5

6

7

8

9

二

五